

Huá yumá huantu Dios limalacahuánih San Juan

XATAPAJMUJUN TACHIHUIN:

Yuma libro limapacuhicán APOCALIPSIS sampi yamá tachiuhín c-xatachiuhín griego huaniputún “huantu xaahuatá nalay”, chu antá unú lichihuínán huantu limalacahuánica San Juan. Titzokca yamá quilhtamacú acxni yamá tropa xala c-Roma lipecua lantla xputzastalamakó huanti xlipahuankoy Cristo. Huá xpalacata, lalacalhuhua, usu pulaclihuhua likalhtahuakayahua huantu luhua ni pala lay akataksahu huantu huaniputún. Huampi huanti xlakmacachamakoca yuma likalhtahuaka, juerza lacatancs xakatakskoy huantu xlmasyuniputunkocán. Masqui lhuhua huanti xliaklhuuatnankoy caj xpalacata ni lacatancs xcatzikoy huantu xuaniputunkocán, huampi xmasiyunimakó xcanajlanin Cristo pi xaljanalhín calipahuankolh Dios, chu ni pala tzinú calilakpecuankolh huantu nalipatinankoy hasta c-xcalinincán, chu tancs cacatzikolh pi hasta xlikatapultni xlicana pi hua yamá natayaniy Dios, xahuá Cristo Quimpuchinacán (19:6).

Yuma tamalacnú pi lipaxuhu nakalhkalhiyahu huantu namaklhtinanahu, masqui caquincaputzastalacán, chu caquincamaknicán, chuna tlan stalanca liuxilhacachanahu yamá xacalipaxuhu “xasasti Jerusalén xala c-akapún”, antani man huij nahuán Dios, chu talamako nahuán xlakskatan, chu antá nialh tú catiánalh linín, nialh tú catihua talipuhuan, xahuá tapaín, nimpala tatasa.

Yuma libro lichihuínán huantu xaahuatiyá nalay catuxahuat, xahuá xlipacs Xasasti Talaccaxlán, liakaspata antani chunatiyá malacnuy pi nimpala makas quilhtamacú namín xlmaktuy Quimpuchinacan Jesucristo xreycán huanti mapaksinankoy, chu xpuchinacán huanti puchinanín, huá Quimaakaputaxtinacán.

Jesús macatziniy xtalacapastacni San Juan

1 Hua yuma libro antani lacatancs lichihuínán lantla Dios macatzinilh xtalacapastacni Jesucristo huanti xCam, laquimpi xlá na namakasiyukoy xlipacs xlacscujnín laquimpi nalicatzitahuilakoy huantu nimpala makas quilhtamacú nakantaxtuy. Jesucristo lacásquilh pi

quit, Juan, huanti xlá quilimaxtunit xlacscujni, naquimacatzinincán yuma tachiuhín, chu huá xpalacata quilakmacámilh xángel laquimpi xlá naquilimalacahuaniy huantu nacucxilha. ²Quit xman huá cmaluloka huantu cucxilhnit yamá c-talacahuán, sampi quilimaxtucanít xtachuná lantla chatum testigo huanti namaluloka xtachiuhín Dios huantu na aya maluloknit

Jesucristo. ³Tlan naquítaxtuniy huanti
nalíkalhtahuakay yuma libro, xahua
pacs ti cacs kaxmatkoy huantu unú
tatzoktahuilanit, chu nalitzaksakoy
lihuana namakantaxtikoy huantu
limapaksinán, sampi xlicana aya
talacatzuhuma quilhtamacú lantla
nakantaxtuy xlipacs huantu unú huan.

**Juan tzoknanikoy kamputujun
canajlanin huanti huilakó
c-xatiyat Asia**

⁴Quit Juan, ccatzoknaniyan huixin
kamputujun canajlanin ti huiláti
c-pulactujun lactzu cachiquin huantu
mapaksin pi xatiyat Asia. Clacasquin pi
cacauxilhlacachán, chu cacamaxquin
lipaxuhu latamat yama tlanca
talipahu quiDioscán huanti uxlata
xastacna latamanit lantla chú lama,
chu na chunata xastacna lámaj
nahuán caxanilihuayaj xtihua. Na
chuná clacasquin cacasiculanatlahuán
yama kalhatujun espíritu, usu ángeles
huanti yakó c-xlacin xlachtahuilh Dios
antan mapaksinama. ⁵Na clacasquin
pi cacamaxquin xtapáxquit Jesucristo
huanti akstijum quimalulokchi
xtachihui Dios, huanti pulana
lakastakuánal lantla xlipacs ninin ti
nalakastakuanankoy, chu huanti kalhiy
tlanca xlatatzúcut, litlihuaka, ni xahua
lantla tu kalhikoy xlipacs lactlanca
malananin reyes huanti mapaksinankoy
unú catuxáhuat. Cristo luhua
quincapaxquiyán, chu yama xkalhni
tu stajmákalh caj quimpalacatacán,
huá quincalichakamankon
xlipacs quintalakalhincán. ⁶Chu caj
xpalacata tlanca xtalakalhamán
quincalimanunitan c-xtapáksit laquimpi
chatunu quin nalitaxtuyahu pali
c-xlacin Quintlatican Dios huanti xman
huá nascujnaniyahu. iXman huá mininiy
xaljanikalhin nakalhiy tlanca xlatatzúcut,
chu namaxquicán cacni caxanilihuayaj
xtihua! Chuná calalh, amén.

⁷iCacatzit pi Cristo mimaj nahuán
c-xlaci puclhni!
Chu acxni namín, xlipacs
tachixcuhiat naucxilhkoy,
hasta na naucxilhkoy yamá huanti
maknikonit, chu tapalhtucukolh;
chu hasta masqui xlipacs ti lamakoj
nahuán c-xlicatlanca catuxáhuat
naucxilhkoy lantla namimpalay,
na nalipuhuaxnikoy, chu
nalaktasakoy acxni naucxilhkoy
pi mimá, caj xpalacata
xtapecuacán sampi catzikoy pi
nitlan huantu xtlahuanikonit.

⁸“Quit xaljanikalhina quilhtamacú
clama, hasta lantlata xquilhtzúcut,
xahua xlikatsputni”, chuná huan
Quimpuchinacan Dios huanti tlanca
xlatatzúcut, chu xaljanikalhin
quilhtamacú latamanit, xtachuná la
calanchú lama, chu lamajcú nahuán
caxanilihuayaj xtihua.

**Juan limalacahuanicán
tlanca talipahu Cristo**

⁹Quit mintalacan Juan huanti
ctzokma yuma carta, chu caj xpalacata
pi lactum ctahuanit Cristo, huá
lactum ccatatapaksian, chu lactum
namaklhtinanaahu yama xatlan
xputahuilh huantu xlá malacnunit
naquincamaxquiyán. Masqui
lanchiyú lhuhua tu lipatinama hu
xpalacata Cristo, huampi xlá ankalhin
quincamaxquiyán litlihuaka laquimpi
tlan natitaxtunikoyahu. Uccahuanian
huantu akspúlal unú c-tiyat, usu c-isla
tu huanicán Patmos acxni xactanuma
c-pulachin caj xpalacata xtachihui
Dios huantu quincamacatzinichin
Cristo, chu tu clakchihuinama.
¹⁰Maktum quilhtamacú domingo,
nimpala xalitacatzin lantla
Espíritu Santo quiakchipanikolh
quintalapastacni, chu stalanca
quimalacapalajuánilh, na ctikáxmatli
c-quinchakan pi quixakátlih

chatum huantī pīxtlanca, xtachuná lantla macahuán aktum trompeta.

¹¹Namá quihuánilh: “Quit clacasquín pī catzoktī c-mactum libro xlipacs huantu nacuaníyán, xahuá huantu nacmaucxilhniyán, chu camacapinikó kamputujun canajlanín tī huilakó lacatujun cachiquín huantu mapaksikoy Asia, yamá cachiquín huanicán: Efeso, Esmirna, Pérgamo, Tiatura, Sardis, Filadalfia, xahuá Laodicea.”

¹²Quit ctitalakáspitlī laquimpī nacucxilha tī xquixakatlimā, huampi huata caj xman cúcxilhli kantujun makslipua xpumaksko candila, pacs xla oro, ¹³chanchu c-xlakstipancan kantujun pumaksko, ctiúcxilhli pī xyá chatum tī xtachuná xtasiyuy lantla chatum chixcú, xlá xlihlakananīt xlhákāt luhua chalhmán huantu xchaníy hasta c-xtuhuapixni, chu xtampulakuī kantum xlitampachi xla oro tū xlitampachicanīt, hasta c-xcuxmún xchaníy. ¹⁴Chinchu lilakátit xtasiyuy xacchíxit, luhua spamamahuá xtachuna panámāc, usu miqui; chinchu huá xlakastapu, lipecua xlakxkoy xtachuna lhcúyat. ¹⁵Xtuhuanín lipecua xlakxkoy xtachuna bronce huantu lihuana xmastalanquicanīt c-lhcúyat laquimpī xlakstu bronce nalitaxtuy; chu xtachihuín lipecua xmacasanán xtachuná lantla xuastat luhua chúchut. ¹⁶C-xpakstácat xchipanīt aktujun stacu, chu c-xquilhni xtaxtunītanchi aktum quincaslajaja espada huantu lakaputiyu stacaca. Xtachuná xlakxkoy xlacán lantla acxni lipecua malakachixinán chichiní.

¹⁷Acxni ctiúcxilhli, tuncán clakataztokóstalh, lhkan c-tamachá catiyatná xtachuná xanín. Huampi xlá quilpakachípalh xmacastácat, chu chuná quihuánilh: “Ni capécuaniti, quit huanti xclamajá hasta lantla xliquilhtzúcut, chu clamajcú nahuán hasta lantla xlikatsputni. ¹⁸Quit

ctínilh huampi huá chu ckalhipalanīt quilatámat, chu xastacna clamaj nahuán caxanilihuayaj xtiha, sampi cmakatlajani xpuchina calínín, chu ckalhiy xallave tū naclimālacquiy xputahuilh calínín. ¹⁹Xlipacs huantu chu naucxilha, pacs catzokti: huantu nacmasiyuniyán tū lama chuj quilhtamacú, xahuá huantu naucxilhkoya natimincú. ²⁰Huá chu nacmacatziniyán huantu nī catziya xpalacata yamá aktujun stacu huantu huix ucxilhnita pī cchipanīt, xahua kantujun pumaksko xla oro; huá yumá huaniputún: aktujún stacu litaxtuy yamá kalhatujun xamaktakalhnánin ángeles, usu xlacscujnín Dios huanti macuintajlikonīt namaktakalhky yamá kamputujun quincanajlanín c-aktujun cachiquín, chu akatunu yamá pumaksko huá litaxtukoy yamá huanti lacxtum quilakataquilhputakoy c-akatunu yamá aktujun cachiquín.

Huantu macatzinikocán tī xala c-Efeso

2 “Chu catzoknanti yamá ángel huanti xmaktakalhnacan kamputum quincanajlanín tī huilakó c-xachuchutsipī Efeso, chu namá nahuaniya: ‘Chuná huan huanti chipanīt c-xpakstácat aktujun stacu, chu talakchokopulay c-xlakstipancan aktujun pumaksko xla oro: ²Quit pacs ccatziy huantu tlahuapátit pī tuhua lantla quilacscujnipátit, nimpala huá litachokotayapátit; na ccatziy lantla luhua tuhua caquitaxtunimán lantla paxuhuanapatinikótit huanti lixcájnīt licatzikoy. Na ccatziy pī aya liucxilhkótit xtayatécán huanti huankey pī apóstoles, usu xtalakachān Jesús litaxtuputunkoy, na nī huá, na aksaninanín maklhtakskonítántit. ³Na cucxilhnīt lantla xliankalhn quiscujnanipátit masqui luhua huantu lipatipátit, huampi nimpala tzinú

l̄itlakuampátit quintascújut. ⁴Huampi masqui chuná tasiyuy p̄i luhua tlan scujpátit, huí t̄u ccalihuaniputunán, huixín nialh quiscujnanipátit lantla xalipulana acxn̄i xlicana xlipacs minacucán xquilpaxquiyátit ⁵Huá xpalacata ccalihuaniyán, calacapastáctit p̄i laclanit mintapaxquicán, catahuixcanítit, chu chuná caquiliscujnanipalátit xtachuná lantla xlipacs minacucán xlitlahuapátit acxn̄i acu luhua tzucút̄it quintilipahuanátit, sampi lapi n̄i chuná natlahuayátit quit n̄impala makas quilhtamacú naccalakanachán, chu nacamapanuy yama mimpumakskocán c-xputáhuilh, huampi n̄i chuná catiquitáxtulh lapi takstitumilipalayátit, huata caj xlakstu mintapaxquincán naquiliscujnanipalátit. ⁶Huampi clacasquín nacatziyátit p̄i huí t̄u tlahuayátit huantu quit clakat̄iy, huixín n̄i matlaniyátit huantu laclixcájn̄it tlahuakoy tamá t̄i huanikocán nicolaitas, pus na chuná quit n̄i cmatlaniy, chu n̄i cucxilhputún huantu xlacán tlahuakoy. ⁷iXlipacs huanti kalhiyátit mintakancán, cakaxpátit, chu caakatákstit huantu Espiritu Santo macatzinimakó kamputunu quincanajlanín t̄i huilakochá yama c-aktujun cachiquín! Xlipacs huanti natayanikoy, chu namakatlajakoy huantu maaktzankanán catuxáhuat, quit nacmaxquiy talacasquín nahuay xtahuacat yama quihui huantu mastay xatalulóktat latámat, chu antá yá c-xlaquitat yama lacatum antani pacs calilakátit n̄i huí Dios.’ ”

Huantu macatzinikocán t̄i xala c-Esmirna

⁸Xlá quihuanipá: “Na catzoknani yama ángel huanti maktakalhkoj kamputum quincanajlanín huanti huilakó c-xacachiquín Esmirna, chu namá cahuani: ‘Chuná huan

huanti ucxlata xlama hasta lantla c-xliquilhtzúcut, chu lamajc̄i nahuán hasta lantla c-xlikatsputni, huanti t̄inilh huampi huá chu kalhipalanit xlatámat. ⁹Quit ccatziy xlipacs huantu patipátit, xahuá lantla luhua laklimaxkanín huixín, chu nitú kalhiyátit huantu maclacasquinátit, huampi ccahuaniyán p̄i huixín luhua matamacunanín litaxtupátit c-xlacat̄in Dios. Quit pacs ccatziy lantla lixcájn̄it calikalhchihuínankoyán tamá huanti huankoy p̄i judíos masqui n̄i xlicana judíos, huata huá tapaksinikoy, chu lakachixcuhuīkoy akskahuiní. ¹⁰N̄impala tzinú capecuántit huantu nalipatinanátit, huá chuná ccalihuanimán sampi akskahuiní nacamatamacanuninanán c-pulach̄in caj xpalacata p̄i naliucxilhputún hasta antani tlan nacalilactlahuaniyán mintacanajlacán; juerza aklhuhua quilhtamacú nacamat̄inicanátit, huampi chunatiyá akstitum calipahuántit Cristo masqui nacalimaknicanátit, chu quit naccamaxquiyán mintatlajacán, huachá yama xatalulóktat latámat huantu niucxnicú laksputa. ¹¹iXlipacs huanti kalhiyátit mintakancán cakaxpátit, chu caakatákstit huantu Espiritu Santo macatzinimakó kamputunu quincanajlanín t̄i huilakochá yama c-aktujun cachiquín! Xlipacs huanti akstitum nalatamakoy, chu namakatlajakoy huantu maaktzankanán catuxáhuat, acxn̄i nanikoy xlicana p̄i n̄i tzinú catimakatzikolh yama xlimaktuy linín huantu xlipat̄itcán nahuán xlipacs huanti n̄i quilipahuankoy.’ ”

Huantu macatzinikocán kamputum canajlanín huanti huilakó c-Pérgamo

¹²Xlá quihuanipá: “Na catzoknani yama ángel huanti maktakalhkoj kamputum quincanajlanín huanti

huilakó c-xacachiquín Pérgamo, chu namá nahuaniya: 'Chuná huan huantí kalhiy yamá quincaslajaja espada huantú lakaputiyú taxacanít: ¹³Quit ccatziy pí antá lapátit antaní xapuxcu huí, chu mapaksínán akskahuiní; huampi huixín chunatiyá akstítum quilipahuanátit, nimpala kalhtatzekñitántit mintacanajlacán tú quinkalhiniyátit, huata chunacú akstítum quintilipahuántit yama quilhtamacú acxni c-milacatinacán makñica yamá talipahu mintalacan Antipas huantí luhua akstítum xliakchihuínán quintachihuín; chuná tlahuakolh yamá huantí lixcájnít līcatzikoy sampi pacs huá kalhakaxmatmakó huantú līmapaksimakó akskahuiní, sampi antá tlan tzucunít mapaksínán c-mincachiquincán. ¹⁴Huampi masqui puhuanátit pí akstítum lapátit, huí actzú huantú quit ccalistacyahuaputunán: c-milakstipancán lamakó huantí huankoy quilipahuankoy huampi nī makaxtakyahuaputunkoy xtalacapastacni xamakan chixcu Balaam, huantí tistacyáhuah Balac pí camatlahuikolh talakalhín israelitas, xlá mahuixcanikolh pí calihuayankolh yamá līhuat huantú xlixcaxtlahuānanicanít tú caj tatlahuamakxtu xdioscán, xahuá nā huanikolh pí tlan masqui catatalakxtumikolh catīhua lacchaján, huantí nī xpuscatcán, chu camakapaxuhuakolh xtiyatlihuacán. ¹⁵Huantú nā nī cmatlanīy pí lamakó c-milakstipancán huantí huankoy quilipahuankoy, huampi nā nimpala huá luhua lakmakamputunkoy xtalacapastacnican huantí huanikocán nicolaitas. ¹⁶Huá xpalacata ccalīmacatzinīmán, calakmakántit tamá lixcajnít talacapastacni huantú calactlahuayahuanīyán mintacanajlacán, sampi lapi

chunatiyá lapátit nahuán chuná la ccamasīyunīmán yamá laclīxcajnít chixcuhuín, nimpala makas quilhtamacú naccalaktaxtuyachán, chu yamá espada huantú taxtunītanchi c-quinquilhni naclīlatatlahuakoy yamá chixcuhuín huantí camāaktzankamán. ¹⁷!Xlīpacs huixín huantí kalhiyátit mintakancán, cakaxpátit, chu caakatákstit huantú Espíritu Santo macatzinīmákó kamputunu quincanajlanín tī huilakochá yamá c-aktujun cachiqn! Xlīpacs huantí natayanikoy, chu namakatljakoy huantú maaktzankánán, quit naclīmahuikoy yamá xatlán līhuat huantú huanicán maná, huantú makán matzekcanít huampi huij nahuán c-akapún. Xahuachí nacmaxquikoy aktum snapapa chíhuix antaní tatzoktahuilanít nahuán aktum xasasti tucuhuín huantú nimpala chatum tī lakapasa, caj xman huá nalakapasa huantí namaklhtīnán.' ”

Huantú macatzinīkocán kamputum canajlanín huantí huilakó c-Tiatira

¹⁸Alīstāh ckáxmatli, chu chuná quihuanipá: “Nā catzoknanī ángel tī maktakalhky kamputum quincanajlanín huantí huilakó c-xacachiquín Tiatira, chu namá nahuaniya: 'Chuná huan xCam Dios huantí lipecua laskoy xlakastapu xtachuná lhcúyat, chu nā chuná līlakátit tasiyuy xtantún xtachuná luhua xaslipua bronce: ¹⁹Quit pacs ccatziy huantú tlahuapátit; clakapasa mintapaxquitcán huantú quinkalhiniyátit, xahuá mintacanajlacán, lantla quiscujnanipátit, chu niucxnī makaxtaktayapátit huantú lipahuanátit, xahuachí ccatziy pí lantla chu tlak tlihuaka scuipátit nī xahua acxni acu titzucútit quilipahuanátit. ²⁰Huampi masqui huixín puhuanátit pí xlicana akstítum quiscujnanipátit, juerza huí huantú naccalīquilhniyán:

huixín matlaniyátit, chū maxquiyátit
 quilhtamacú pī tamā lixcajnit
 puscāt huanicán Jezabel, huantī
 xpalacachihiuina Dios limaxtucán,
 masqui xlicana pī caj aksanínán,
 sampi yamā xtastacyahu huantu
 xlá masiyuy, lilactlahuayahuakoy
 huantī quiscujnanimakó, xlá
 matlahuikoy lixcajnit talakalhín
 pī catuhuá calimakapaxuhuakolh
 xtiyatlihuacán, chū calihuayankolh
 líhuat huantu pulh lixactlahuananicanit
 tū caj tatlahuamakxtu dioses. ²¹Quit
 cmáxquilh quilhtamacú tamā puscāt
 pī calimacátzilh talipuhuán huantu
 tlahuamā, chū calakmákalh xalixcajnit
 xtatlahu, chū xman Dios calipahua,
 huampi xlá nimpala tzinú puhuán
 pala nataktitumiliy, huata chunatiyá
 tlahuamā lixcajnit talakalhín, chū
 catuhuá huantu lixcájnīt masiyunimákó
 tachixcuhuítat lantla nī kalhiy
 xquilhtzúcut nalimakapaxuhuakoy
 xtiyatlihuacán. ²²⁻²³Huá xpalacata,
 quit naclimacaminīy tajátat huantu
 namakatīy c-putama, chū snun
 natatatlāy; nā chuná nacmapatīnikoy
 xlipacs huantī macastalakoy hasta
 lipecuā nacmacatzānikoy; chū nā chuná
 nactlahuanikoy xlipacs chixcuhuín
 huantī xtalapaxquín tlahuakonit lapi
 nī makcatzikoy talipuhuán xpalacata
 xtalakalhincán, chū namakaxtaktayakoy,
 nā chuná lipecuā nacmapatīnikoy.
 Chuná nactlahuay laquimpī xlipacs
 kamputunu quincanajlanín huantī
 macxtum quilakataquilhputakoy
 c-akatunu cāchiquín nacatzikoy pī quit
 pacs ccatziy, chū clakapasa huantu huí
 c-xnacucán, xahuá c-xtalacapastacnicán.
 Nā milicatzitcán pī lantla chatunu
 huixín, quit chuná nacamaxquiyán
 huantu calakchanán xpalacata
 xlipacs huantu tlahuanitāntit nahuán
 c-milatamatcán. ²⁴Chū huixín
 huantī nā antá huilátit c-Tiatura,
 huampi nī chuná maktlahuapátit

tamā xtalacapastacni akskahuiní, nā
 nimpala puhuanátit pala pī nā chuná
 xlapastit huantu huancán pī tlanca
 xtalacapastacni akskahuiní, quit nialh
 tú tanu huantu cticamatlahuiputunán,
 tlanatiyá lantla akstītum lapátit
 c-xlacatīn Dios. ²⁵Huampi clacasquín
 pī chunatá akstītum calilatapátit
 huantu quit cticatalikalhchihuínán
 hasta acxnī nalakchán quilhtamacú
 naccalakmimpalayán. ²⁶Xlipacs yamā
 huantī natayanikoy, chū namakatlajakoy
 huantu maaktzankánán unū catuxáhuat,
 chū chunatá tlahuamakó nahuán
 huantu quit clacasquín natlahuakoy
 hasta nalakchán yamā ahuata
 quilhtamacú acxnī nacmimpalay,
 tamā quit nacmaxquikoy limapaksín
 laquimpī naquintamapaksinankoy
 catuxáhuat. ²⁷⁻²⁸Xtachuná lantla
 quimaxquínīt Dios quintlat limapaksín,
 nā chuná xlacán namapaksinankoy
 c-lactlanca cāchiquínīt xtachuná
 lantla lactlanca napuxcún huantī
 kalhikoy tlanca limapaksín, chū
 nacākalhakaxmatkoyán huantī antá
 huilakó, xahuachí yamā huantī nī
 nakalhakaxmatputunkoyán huixín
 maktum namālaksputukoyátit xtachuná
 lantla calicāsnokpítit patum tláminc
 xla tīyat. Huampi nā naccamaxquiyán
 yamā tlanca matancústacu, huantu
 nacamatzuquiniyán aktum xasasti,
 chū lilakatīt quilhtamacu. ²⁹iXlipacs
 huixín huantī kalhiyátit mintakancán
 cakaxpátit, chū caakatákstīt
 huantu Espíritu Santo macatzinimákó
 kamputunu quincanajlanín tī huilakochá
 yamā c-aktujun cāchiquín!’ ”

Huantu macatzinikocán canajlanín xala c-Sardis

3 Alistalh quihuanipá: “Nā
 catzoknani ángel huantī
 maktakalhikoy kamputum
 quincanajlanín tī huilakó c-xacāchiquín
 Sardis, chū namā nahuaniya: ‘Chuná

huan huanti kalhiy pulactujun cspiritu Dios, xahuá aktujun stacu: Quit pacs ccatziy huanti tlahuapátit, chu masqui lhuhua ti calichihuinankoyán pi luhua tlan lapátit xastacná, huampi quit ccatziy la xanín lapátit sampi nialh tú xlakasi milatamatcán. ²Catahuixcanítit, calakastakuanántit, chu camahuixcanikótit huantu tamakxaktakñitcú lucuan mintalacapastacnicán laquimpi ni maktum nalactlahuayahuyátit, sampi lapi ni chuná natlahuayátit, pacs namakatzankayátit huantu akstítum xtlahuayátit mintascujutcán, sampi quit stalanca cucxilhma pi lhuhua huantu tlahuayátit nimpala tzinú matlanij Dios. ³Chi huampi ccamalacapastacniyán pi huá cuíntaj catlahuátit yamá tlan tastacyahu huantu pulana ticalitakalhchihuinan cántit, xman huá calilatapátit, lihuana camakantaxtítit, chu caakxtakmakántit lixcajnit mintalacapastacnicán laquimpi xman Dios nalipahuanátit. Lapi ni skálalh latapayátit pi akstítum naquilipahuanátit, nimpala xalitacatzín acxni naclaktaxtuyachán xtachuná la licatzij chatum kalhaná, acxni ni liacatzijhuilátit naccalaktaxtuyachán. ⁴Huampi c-mincachiquin Sardis lamakó makapitzín huanti xlicana quilipahuankoy, xlacán nitú alimaxcajualikoy xhakacán, xahuá xlatamatcán, hua tamá xalíankalhín naquintalatamakoy, chu chunatiyá nalilhakanankoy xasnapapa clhakacán sampi chuná mininikoy tlan nalatamakoy. ⁵Xlipacs huanti akstítum nalatamakoy, chu namakatlajakoy huantu maaktzankanán catuxáhuat, chuná nalímalhakoacán xasnapapa clhakacán, chu niucxnicú cactilacxapanikolh xtucuhuicán c-libro xla latámat antani tatzoktanukonit xlipacs huanti kalhikoy yamá xataluloktat latámat

huantu niucxni nalakspuata, sampi quit nacmaluloká c-xlacatin Dios, xahuá c-xlacatíncan ángeles pi akstítum quilipahuankolh. ⁶iXlipacs huanti kalhiyátit mintakancán cakaxpáttit, chu caakatáktit huantu Espiritu Santo macatzinimákó kamputunu quincanajlanín ti huilakoqchá yamá c-aktujun cachiquin!

Huantu macatzinikoy kamputum canajlanín huanti huilakó c-Filadalfia

⁷Quimpuchinacán quihuanipá: “Na catzoknani tamá ángel huanti maktakalhikoy quincanajlanín huanti huilakó c-xacachiquin Filadalfia, chu namá nahuaniya: ‘Chuná huan huanti talípahu, xahuá xlicana xasantujlani, huanti maquinít xllave rey David laquimpi pacs antani xlá limalacquinán, nimpala chatum ti tlan catimalacchúhualh, chu na chuna litum pacs antani xlá namalacchuhuy, nimpala chatum ti tlan catimalácquilh. ⁸Quit ccatziy pacs ti tlahuaniántit c-milatamatcán, chu ccamaktayaputunán. Huá xpalacata clihuilínit c-mintijicán aktum malaccha huantu cmalacquinít laquimpi antá nalactanuyátit, chu nimpala chatum tí catimalacchúhualh. Masqui xlicana pi c-milatamatcán caj tzinú kalhiyátit litlihuaka, huampi nimpala taxlajuaninítántit, huata chunatiyá lipahuanítántit quintachihuín, chu niucxni quilimaxananítántit. ⁹Quit nacmamaxanikoy tamá huanti c-mincachiquincán huankoy pi judíos ti ni xlitapacuhitcán judíos, huata xlacán tapaksinikoy akskahuiní, sampi naclimapaksikoy cacalakankochán, chu cacalakatzokostakón laquimpi chuná nalitayakoy pi xlicana huixín huanti ccalakalhamanán. ¹⁰Huixín makantaxtinítántit quilimapaksín pi niucxnicú makaxtaktayátit quintascújut,

huá xpalachata ccalimacatziniyán
 pī quit naccamaktakalhán acxnī
 nalakchán quilhtamacú acxnī xlipacs
 huantī huilakó catuxáhuat luhua
 huantū nalakchinkoy tasokalín
 laquimpī naliucxilhcán xatī xlicana
 quilpahuanakoy. ¹¹Nī pala makas
 quilhtamacú nacmín, huampī
 xlimakua nī cachín cuíntaj catlahuátit
 huantū kalhiyátit mintacanajlacán
 laquimpī nítī nacamaklhtiyan
 huantū calachananí mintatljacán
 c-xlacatín Dios. ¹²Xlipacs huantī
 natayanikoy, chu namakatljakoy
 huantū maaktzankanán c-xlatamacán,
 quit naclimaxtukoy xtachuná lantla
 lacchatlanca xatalayahu c-xtemplo
 tlanca talipahu Dios, chu nialh ucxnicú
 catitaxtukolh antá, xahuachí antá
 c-xnacucán quit nactzoká xtucuhuini
 Dios, xahuá xtucuhuini xcachiquín
 Dios huantū xlá lacsacnít, huachá
 xasasti Jerusalén huantū naminachá
 c-akapún c-xpaxtun Dios, na antiyá
 c-xnacucán man nactzokuiily xasasti
 quintucuhuini. ¹³¡Xlipacs huantī
 kalhiyátit mintakancán cakaxpátit,
 chu caakatáksit huantū Espiritu
 Santo macatzinimáko kamputunu
 quincanajlanín tī huilakochá yama
 c-aktujun cachiquín!’ ”

Huantū macatzinikocán kamputun canajlanín huantī xala c-Laodicea

¹⁴Quimpuchinacán quihuanipá:
 “Chu na catzoknani yama ángel huantī
 maktakalhoy tī quilpahuanakoy
 c-xacachiquín Loadicea, chu namá
 cahuani: ‘Chuná huan huantī xlicana
 mastay xtaluloktat Dios, huantī niucxnī
 huanit taksanín, huantī maktlahuanit
 xlipacs huantū Dios malacatzúquilh
 acxnī nī naj tú xanán: ¹⁵Quit pacs
 ccatziy huantū tlahuapátit, chu ccatziy
 pī huixín nī kahuihui, nimpala
 chichi. ¡Tlan xuá pala maktum
 luhua kahuihui, usu luhua chichi

xuántit! ¹⁶Huampī cumu nī kahuihui,
 nimpala chichī huixín litaxtuyátit, caj
 skontzitzi, huá xpalachata ccalihuanian
 pī maktum naccaquilhtaxtuyán.

¹⁷Huixín xaliñankalhín lactalipahu
 camacatzicanátit, chu hasta
 huanátit pī xtachuná la luhua
 matamacunanín huixín, acchán
 kalhiyátit huantū maclacasquinátit,
 chu nítū catzankaniyan. Xlicana
 pī mákat lantla aktzankatayayátit
 sampi nī catziyátit pī nimpala
 tzinú tú xlakasi huantū kalhiyátit,
 huixín xtachuná la lakatzinín, la
 laklimaxkanín huantī nítū kalhiyátit
 mimacalcasquinatcán, chu hasta
 nialh kalhiyátit milhakacán lapátit.

¹⁸Huá xpalachata ccamalacnuniyan
 quioro laquimpī milacán natlahuayátit.
 Quioro luhua xatlán sampi xlakstu
 oro, antá machichicanit c-lhcúyat,
 mastalanquicanit, chu chuná
 limaxtunica xlipacs huantū nítlan
 xkalhiy. Milacán calitlahuátit
 laquimpī xlicana matamacunanín
 nahuanátit. Xahuachí ccahuaniyan
 pī quit caquimaklhtítit xasnapapa
 milhakacán huantū nalilhakananátit
 sampi quitaxtuy caj xamacchuna
 lapátit, chu na caquimaklhtítit
 quilícuchun huantū quit cmastay
 laquimpī nacalacamanucanátit
 c-milakastapucán, chu nalacapacsátit
 sampi talakatzinítantit, chu tlan
 nalacahuananátit. ¹⁹Tancs cacatzítit pī
 quit cakastacyahuakoy, chu clihuaniakoy
 huantū nítlan tlahuakoy huantī
 clacsackonit, sampi cpaxquikoy, chu
 cmaakstítumiliputunkoy; huá xpalachata
 ccalihuanian, maktum calakpalítit
 xalixcainit mintalacapastacnicán, chu
 catalacatzuhuinipalátit Dios laquimpī
 xman huá nalipahuanátit. ²⁰Cuíntaj
 catlahuátit sampi c-tanquilhtín quit cyá,
 clakatlakma c-xamalaccha minacucán,
 huantī nakaxmata pī cxakatlitunuma,
 chu namalacquiy xmálaccha, quit

nactanuy c-xchic, chü lacxtum nactahuayán. ²¹Xlipacs yamá huanti natayanikoy, chü namakatlajakoy xlipacs huantu maaktzankanán catuxáhuat xtachuná lantla quit cmakatlanjani, pus nactamaxquiy aktum xputáhuilh c-quimpaxtún xtachuná lantla quintlat Dios quimaxquinitanchá quimputáhuilh c-xpaxtún laquimpí nactamapaksínán. ²²iXlipacs huanti kalhiyáti mintakancán cakaxpáttit, chü caakatáktit huantu Espiritu Santo macatzinimákó kamputunu quincanajlanín ti huilakochá yamá c-aktujun cachiquín!”

Limašiyunicán Juan lantla maxquicán caci Dios c-akapún

4 Acxni quihuanikoca lantla nactzoknanikoy pulactujun cachiquín, alístal chü clácalh, chü cúcxilhli pī xlacquiy aktum málacchá c-akapún, chü huatiyá ti xakasiya quixakatlini hua xlipacs xlitlihuaká xtaquilhchayahuama, xchihuínán xtachuná la trompeta, namá quihuanipá: “Catat unú antani quit cyá laquimpí naclimálacahuaniyán huantu nakantaxtuy alístal lantla naán quilhtamacú.”

²Acxni chuná quihuanikolh, Espiritu Santo quiakchipanikolh quintalacapastacni, chü tzucuca quimalacahuanicán; cúcxilhli c-akapún pī xuí aktum pumapaksín, chü c-aktum tlanca mapaksina lactáhuilh cúcxilhli xuí xtachuná chatum talipahu mapaksíná. ³Chanchü ti xlacui yamá xamapaksina lactáhuilh, luhua xtachuná xlaškoy la lilakatit chíhuix huantu huanicán jase, usu la cornalina chíhuix, chü c-xlikalhtlanca xlimakstiliy lilakatit chamacxúlit huantu luhua tlan xtasuyuy kampakatzi colores tlayaj xmalakxkakananiti xtachuná lakslihua chíhuix huantu huanicán esmeralda. ⁴Huampi cúcxilhli

pī xlitamakstilikoniti yamá tlanca mapaksina lactáhuilh puxamatati lactáhuilh antani xuilakó puxamatati lakkolún, yuma lakkolún pacs xlihlakananiti lacsnapapan xlhakatcán, chü xacuikakó c-xakxekacán akatunu corona xla oro. ⁵Chanchü antani xuí yamá mapaksíná c-tlanca xlacláhuilh, cúcxilhli, chü ckáxmatli pī lipecua lantla xjilima, chü xmaklipma; chü c-xlaclatin yamá mapaksina lactáhuilh xyakó kantujun pumaksko, pacs xpasamakó, hua yuma pumaksko litaxtukoy pulactujun espíritu Dios. ⁶Antiyá lacatzú c-xlaclatin yamá tlanca xamapaksina lactáhuilh cúcxilhli xtachuná aktum takayahuaná, huampi xachúchut luhua slutonko xuaniti xtachuná la hualhtin.

Antani xlacui xpumapaksin yamá tlanca mapaksíná, kalhatati la ángeles huanti xkalhiqoy xmacnicán la takalhín, xlaclán lacatati xyakolh lantla xlitastilikoniti. Pacs xkalhataticán c-xlitlancacán pacs xlaškstu lakastapu xkalhiqoy chuná c-xlaclatin, xahuá c-xhakancán. ⁷Huanti calacán xyachi, xtachuná xtasuyuy la tantum león, xlichatuy xtasuyuy la tantum toro, xlikalhatutu xtachuná xtasuyuy la chatum chixcú, chü xlikalhatati xtachuná xtasuyuy la pichahua huantu caj kosma. ⁸Lantla chatunu yamá la ángeles huanti xtachuná tasiyukoy la takalhín, xlaclán xkalhiqoy akchaxan xpakancán pacs lakastapu xuaniti. Chü chuná catzisiní, xahuá cacuhuiní xliankalhín quilhtamacú xmaxquimákó caci Dios, chü chuná huanikoy:

“iQuimpuchinacan Dios, xlicana pī caj xman miacstu lápat xasantujlani, sampi kalhiya tlan mintalacapastacni!
Na huata huix huanti xlicana kalhiya tlanca milacatzúcut;
huix ucxlata xastacna latapanita lantla chü lápat

chü nā chunacú xastacná lápat
nahuán caxanilihuayaj xtihua.”

⁹Chanchü yamā kalhatati ángeles
huanti xtasiyukoy xtachuná la takalhín,
lantla makatunū xcacninanikoy,
xlakataquilhputakoy, chü xmaxquikoy
paxcatcatzínit Dios huanti tlanca
xlacatzúcut huí c-tlanca xlactahuilh
mapaksíná, chü huanti xaljanakalhín
xastacna lama. ¹⁰Nā chuná yamā
puxamatati lakkolún, nā putum
lakatazokostakolh c-xlacatín, chü
pacs lakataquilhputakolh, putum
xtaxtukoy xcoronajcán, xmacankoy
c-xlacatín xpumapaksín Dios, chü chuná
xuanikoy:

¹¹“Xman huix mininiyán
naccacacninaniyán,
naccalakataquilhputayán, chü
naccamaxquiyán paxcatcatzínit,
sampi xman huix kalhiya
tlanca mililtlihuaka, chü
malacatzuquikonita xlipacs
huantu anán;
nā cumu huix chuná lacásquintí
malacatzuquikó, chü hasta
lanchuj quilhmacú chunacú
anankoy.”

Xman huā Cristo mininiy tlan kaxcuta huantu tasmilinít libro

5 Alistalh cúcxilhli pī huanti
xuí c-tlanca mapaksína
lactáhuilh xpakstácat xlichipanít
katum xatasmilin cápsnat xtachuná
la libro; yumā xatasmilin cápsnat
laputiyū xtatzoknit, chü hasta
lacatujún xliqaslamacanít sello.
²Caj xamaktum cúcxilhli chatum
tlanca talipahu ángel huanti
xlipixchatlanca xkalhasquininama
xuan: “¿Tí cahuá natáksahu huanti
mininiy nextitactiniy huantu
lisellartlahuacanít yumā libro laquimpi
tlan namalakapitziy?” ³Huampi nī
takscā c-akapún, nimpala catiyatna,
chü nimpala c-xstampun tīyat huanti

xlicānā akstītum xlenít xlatamanít
pī namininiy namalakapitziy yama
libro, chü naucxilhā huantu antá
xtatzoktahuilanít. ⁴Chü quit lipecua
xactasama caj xpalacata ccátzilh
pī nimpala chatum xtataksnit huanti
xmininiy nakaxcuta, chü namalakakay
yamā libro, chü naucxilhā huantu
xtatzoknit. ⁵Huampi chatum kolutzín
quihuánilh: “Nialh taji catasa, sampi
yamā tlanca talipahu lakmaxtuná xala
c-Judá huanti xtachuná litaxtuy la
tantum tlihuaka león, yamā talipahu
chixcú huanti xquilhtzucut xamakan
rey David, xlá pacs makatlajanít
huantu maaktzankanán, chü xman
huá mininiy nextitactiy xasello huantu
liqaslamacanít, chü namalakakay yamā
xatasmilin cápsnat.”

⁶Chanchü c-xlacatín yamā tlanca
lactáhuilh xla mapaksíná, chü
c-xlaquitat yamā kalhatati ángeles huanti
xtasiyukoy xtachuná la takalhínin,
xahuá yamā puxamatati lakkolún huanti
caj xuilakó c-xtuntamacni, cúcxilhli pī
antá xyá Quimpuchinacan Cristo huanti
litaxtuy xlipatínat xuanít xCalhñilu
Dios huanti xokónalh xpalacata
quintalakalhincán, chü stalanca
xtasiyuy c-xmacni pī xmakñicanít.
Xlá xkalhiy kantujun xakalókot, chü
aktujun xlakastapu huantu litaxtukoy
pulactujun cspřitu Dios huantu
xmalakachakonít lantla c-xlicatlanca
catuxáhuat. ⁷Xlá laktalacatzúhuilh
huanti xuí c-tlanca mapaksína
putáhuilh, chü máklhtilh yamā libro
huantu xlichipanít xmacastácat.
⁸Chanchü acxnī xlá chípalh yamā
libro, yamā kalhatati ángeles
huanti xtasiyukoy la takalhín, xahuá
puxamatati lakkolún lakatazokostakolh
Cristo huanti litaxtuy Xcalhñilu Dios,
pacs xchipakonít xlitlaknacán huantu
huanicán arpa, chü patunu copā xla
oro, antá xtajumā mucsun limajínin,
huantu litaxtuy xoracioncán huanti

xlicana lipahuankoy, chu tapaksinikoy
xlakskatan Dios. ⁹Na macxtum
xliquilhtlīmākō yuma tatlīn xasasti,
xuankoy:

“Xlicana pī caj xman huix minīniyān
namaklhtīnanā tamā xatasmilīn
cāpsnat, chu nextitactīniya
huantū līkaslamacanīt,
sāmpī huix pacs matlānī hasta
tamastā maknīcanti,
laquīmpī caj xpalacata minkalhni
huantū stajmākanti, chunā tlan
lakmāxtukoy
xlipacs caxatīcahua huantī
canīhua xalanīn xlicatlanca
catuxāhuat, chu masqui
tipalhuhua xtachihuīncān huantū
līchihuīnankoy,
laquīmpī xman hua Dios
natapaksinikoy.

¹⁰ Huix līlacsackō laquīmpī
nalitaxtukoy xtachunā xpālijni
Dios

huantī xālīankalhīn quilhtamacū
xman huā nascujnanikoy,
huantī namapaksinankoy
c-xlicatlanca catuxāhuat.”

¹¹ Alīstālh cūcxilhī, chu ckāxmatlī
pī xtlīmākō lhuhua ángeles,
xlītamakstilikonīt tlanca xlactahuīlh
yamā tlanca talipahu mapaksinā, xahuā
xakalhatatī ángeles huantī xtasiyukoy
xtachunā lā takalhīn, chu puxamatatī
lakkolūn, luhua xcatzīt aklīhuhua
mīlh ángeles xuankonīt hasta nī lay
xputlakakocān. ¹² Xlīakapixchatlancacān
namā xtlīmākō:

“iHua huix Xcalhñīlū Dios huantī
maknīcanti, chu chunā xokōnantī
xpalacata talākahlīn,
xman huix miacstu minīniyān
pī xālīankalhīn cacācnīnanihu,
capaxcatcatzīnihu, chu
calakataquilhputahu
caj xpalacata xcatzīt tlanca
milacatzúcut, chu līlīhuaka, chu
līskālah tū kalhīya!”

¹³ Na acxnitiya ckāxmatlī pī xlipacs
huantū Dios xmalacatzuquīkonīt,
chunā xala c-akapūn, catiyatna, chu
c-xtampūn tīyat, xahuā c-pupunū,
xlacān acxtum chunā xuankoy:

“iTamā talipahu Dios huantī huī
c-xpumapaksīn, xahuā Cristo
huantī lītaxtunīt Xcalhñīlū Dios,
xman huā minīnikoy caxanīlīhuayaj
xtihua nacācnīnaniyahu,
nalakataquilhputayahu, chu
napaxcatcatzīniyahu caj
xpalacata tū tlahuanīt!”

¹⁴ Yamā kalhatatī ángeles huantī
xtasiyukoy xtachunā lā takalhīn,
kalhtīnankolh: “iChunā calalh, amén!”
Chu yamā puxamatatī lakkolūn putum
lakatatzokostakolh, chu tzúculh lakataq
uilhputakoy.

**Pulacatunū māactīnicān
huantū xlīkaslamacanīt yamā
xatasmilīn xatatzokni cāpsnat**

6 Cumu lacatujūn xkalhiy sello
tū xlīkaslamacanīt yamā
xatakasmilīn cāpsnat, cūcxilhī lantla
yamā huantī lītaxtuy Xcalhñīlū
Dios māactīnīlh pulactum, chu
ckāxmatlī pī chatum ángel huantī
xtasiyukoy xtachunā lā takalhīn,
xlīakapixchatlanca chihuīnalh xtachunā
xmacasānat jili, chu namā quihuānilh:
“iUnū catat, chu caūcxilhī!” ² Chanchu
quit clācalh, chu cūcxilhī tantum
snapapa cahuayū, hua chu tī xkahuī
yamā cahuayū xchipanīt aktum putipni,
chu māxquīca aktum corona xtachunā
lantla lakchān tī xquītayaninīt
c-putalatlahu, chu xtaxtumapā laquīmpī
chunatiyā tayanīmaj nahuān.

³ Acxnī huantī lītaxtuy Xcalhñīlū Dios
māactīnīlh xlipulactuy sello huantū
xlīkaslamacanīt yamā xatasmilīn
cāpsnat, ckāxmatlī pī chihuīnalh
xlīchatuy ángel huantī xtasiyuy
xtachunā lā takalhīn, chu chunā
quihuānilh: “iCatat, chu caūcxilhī!”

⁴Chu cúcxilhli pi taxtupá xlitantuy cahuayú, xlá mactutzotoko xuanit, chu huanti xkahui yamá cahuayú maxquica litlihuaka, xahuá aktum tlanca espada laquimpí namalacatzuquiy tasitzín catuxáhuat, chu xacstucan chixcuhuín man natzucukoy lamaknikoy.

⁵Acxni chu tamá huanti litaxtuy Xcalhniñlú Dios maactínilh xlipulactutu sello huantu likaslamacanit yama xatasmilin cápsnat, ckáxmatli pi chihuínalh xlikalhatutu ángel huanti xtasiyuy xtachuná la takalhín, chu chuná quihuánilh: “iUnú catat, chu caúcxilhli!” Quit cúcxilhli pi taxtupá tantum tzitzaca cahuayú, chu huanti xkahui yumá xlitantutu cahuayú xchipanit aktum pupulhcan. ⁶C-xlakstipancan yamá kalhatati ángeles ckáxmatli pi chuná huanca: “Caj xman aktum kilo trigo nalitanuy taskahu lantla xla aktum quilhtamacu tascújut, chu aktutu kilo cebada nalitanuy taskahu lantla xla aktum quilhtamacu tascújut. iHuampi ni caj páxcat catlahua aceite, nimpala xatlan vino, sampi lanchuj quilhtamacu luhua tapalaxlá!”

⁷Acxni huanti litaxtuy xCalhniñlú Dios maactínilh xlipulactati sello yamá xatasmilin cápsnat, ckáxmatli pi xlikalhatati ángel huanti xtasiyuy xtachuná la takalhín, chuná huá: “iUnú catat, chu caúcxilhli!” ⁸Quit cúcxilhli pi taxtuchi tantum caj smucucu lilay cahuayú, chu huanti xkahui yamá xlitantati cahuayú xuanicán Linín, chu lacatzú cstalanitilhay huanti xlitapulhcanit Xpuchina Calinín; hua yumá maxquikoca quilhtamacu pi namalakspukoy pulactati lantla huilaca catuxáhuat, maxquica litlihuaka nalimalakspukoy chixcuhuín talamáknit, putalatlahu, tatzincsní, laclixcajnít tajátat, xahuá lactlanca laclucy lapánit.

⁹Acxni huanti litaxtuy xCalhniñlú Dios maactínilh xlipulacquitzis sello yamá

xatasmilin cápsnat, cúcxilhli c-xtampin altar antani c-xokspún lakahuilicán licaxtlahuán, pi antá chu xuilakó pacs huanti xmaknikocanít catuxáhuat caj xpalacata cumu xliakchihuínankonít xtaluloktat Dios. ¹⁰Xlacán luhua palha lantla chuná xquilhuamakó: “Tlanca talipahu Quimpuchinacán xahua tlanca milacatzúcut, ¿hasta nilihuayá luhua namaikalhapalikoya huanti huilakó catuxáhuat, chu naliakastacyahuakoya caj xpalacata cumu quincamaknikochán antá?” ¹¹Huata xlacán limalhakanikoca lacsnapapan xlhakatcán, chu huanikoca pi catijaxkokalh caj atzinu quilhtamacu hasta natitakatziy lantla liputlakakocanít huanti na chuná namaakspulikocán, chu nachankoy amakapitzin xtalacscujnín huanti na caj xpalacata Cristo nalimaknikocán lantla xlacán timaknikoca.

¹²Acxni huanti litaxtuy xCalhniñlú Dios maactínilh xlipulacchaxan sello huantu xlikaslamacanit yamá xatasmilin cápsnat, quit cúcxilhli pi lipecua lantla lalachuáa tzúculh tachiquiy tityat, chu talacpancxkolh, chu laktzankánalh catuxáhuat. Nialh pala tzinú tasíyulh chichiní, huata lakacapokluhánalh, na chuná papá tzutzokoxnín huankolh xtachuná kalhni. ¹³Chanchu stacu huantu xuilakó c-akapún tzúculh tamakuaskoy, chu tamakochá catiyatna, xtachuná xtamakuasmakó la acxni min tlihuaka un, lacchiquiy xaquihui higos, mayujukoy xatahuácat. ¹⁴Xalán cúcxilhli pi láksputli akapún xtachuná lantla cakasmilicán mactum cápsnat, chu xlipacs lactlanca kastinín xala catuxáhuat, xahuá xlipacs isla huantu xuilakó c-takayahuaná, putum malacxijkoca antani xuilakó. ¹⁵Chu xlipacs yamá lactlanca mapaksinanín xala catuxáhuat, xahuá xanapuxcun tropa, chu xkalhnanin

tumín, chü huantí luhua lactalípahu xmacatzikocán, chü hasta na chuná xatastán scujnín huantí xmascujumakó lá tachín, chü huantí nī xatastán c-tascújut xlamakó, putum ankolh tatzekkoy antani xuilakó lactlanca lhucu c-xtampixtum, xahuá c-xlakstipanín lactlanca chíhuix. ¹⁶Chuná xuanikoy yamá lactlanca cakastínín, xahuá lactlanca chíhuix: “iCatlahuátit litlán, caquincaktalamaacnu, chü līhuana caquincamátzekti, sampi nī clacasquinahu naquincaucxilhan yamá tlanca mapaksíná huantí tasiyuy c-akapún, huí c-tlanca xpumapaksín, xahuachí nī clacasquinahu nacmakcatziyahu xtasitziliakastacyahuán huantí litaxtuy xCalhñilu Dios acxnī naquincatatlahuay cuenta! ¹⁷Cumu huá chü aya lakchanit quilhtamacú lantla xlá namaxokonikoy xlipacs huantu tlahuakonit chatunu huantí xala catuxáhuat, ítí cahuá namacalay patínat huantu nalakchán?”

Huantí Dios lacsackonit, pacs lhcanikocanit c-xmuncán

7 Alístalh cucxilhpá pī lacatati xyakó kalhatati ángeles c-xcatankanunín catuxáhuat, xlacán huá xmachokomakó un laquimpi nī naunán c-xokspun catiyatna, nīmpala c-xokspun takayahuaná, chü nīmpala antá c-xakanín quihui. ²Alístalh cucxilhpá chatum ángel xnimachá antani pulhachá chichiní, xchipanít csello tlanca talípahu Dios huantí lamá xastacná. Luhua pixtlanca chuná quilhanikolh yamá kalhatati ángeles huantí xmaxquikocanit limapaksín, xahuá litlihuaká laquimpi namasputunankoy catuxáhuat, xahuá c-takayahuaná: ³“iCakalhhalkhítit tzinú, nī naj tú catlahuanikótit xlipacs huantu huí catiyatna, sampi hasta pulh nactimulhcahuilínikoyahu csello Dios xlipacs yamá huantí xlicana

lipahuankoy, chü macamaxquikonit xlatamatcán!”

⁴Caj lipuntzú ckáxmalti acxnī huanca nī kalhalit huantí mulhcahuilínikoca xlihlca Dios: aktum ciento atipuxamatati mīlh lantla c-xlicatlanca xatiyat Israel, chuná namá xliputumcán:

⁵Akcutuy mīlh tilhcaqoca huantí līJudá xlá xquilhtzúcut, akcutuy mīlh tilhcaqoca huantí līRubén xlá xquilhtzúcut, akcutuy mīlh tilhcaqoca huantí līGad xlá xquilhtzúcut,

⁶akcutuy mīlh tilhcaqoca huantí līAser xlá xquilhtzúcut, akcutuy mīlh tilhcaqoca huantí līNeftalí xlá xquilhtzúcut, akcutuy mīlh tilhcaqoca huantí līManasés xlá xquilhtzúcut,

⁷akcutuy mīlh tilhcaqoca huantí līSimeón xlá xquilhtzúcut, akcutuy mīlh tilhcaqoca huantí līLeví xlá xquilhtzúcut, akcutuy mīlh tilhcaqoca huantí līIsacar xlá xquilhtzúcut,

⁸akcutuy mīlh tilhcaqoca huantí līZabulón xlá xquilhtzúcut, akcutuy mīlh tilhcaqoca huantí līJosé xlá xquilhtzúcut, akcutuy mīlh tilhcaqoca huantí līBenjamín xlá xquilhtzúcut.

Lhuhua huantí līlhakanankonit xasnapapa lhakat

⁹Acxnī ckaxmatkolh huantí muhuilíkoca xlihlca Dios, caj lipuntzú cúcxilhli pī putum xyakó lhuhua tachixcuhuítat huantí hasta nī lay xputlakakocán lantla xlihlhuacán xuanit, xlicatlanca catuxáhuat xminkonitanchá, chü akatunu nación, chü tipatunu xtachihuincán lantla anán catuxáhuat, xlacán antá putum xyakó c-xlacatín yamá tlanca xlactahuilh mapaksíná antani xuí Dios, chü c-xlacatín xCalhñilu, putum yumá

pacs xlihakanankonit xalaksnapapan xihakacán, chu xchipalenkoy pakatunu xatuhan palhma. ¹⁰ Luhua pixtlanca chuná xquilhuamakó:

“iXlicana pi caj xman hua tama tlanca lakalhamana quiDioscán huanti quincamaxquinitán akaputáxtut

huanti huí c-tlanca xamapaksina lactáhuilh,

xahuá xCalhniñu huanti xokónalh xpalacata quintalakahincán!”

¹¹ Xlipacs yama ángeles huanti cstilihuilikonit yama tlanca mapaksina lactáhuilh, xahuá puxamatati lakkolún, chu yama kalhatati ángeles huanti xtasiyukoy xtachuná lá takalhín, putum lacankolh antani xuí yama tlanca xlactahuilh mapaksiná, tatzokostakolh tilakataquilhputakolh, chu hasta quitlacatakolh catiyatna lantla lakataquilhputakolh Dios.

¹² Chu putum chuná xuankey:

“iXman miacstu mininiyán nacmatlanquiyahu mintucuhuini, chu naccacacninanian, caj xpalacata tlanca miliskálalh,

milimapaksn, chu mililitihuaka; na chuná xman huix mininiyán

naccapaxcatcatziniyán, chu naccalakataquilhputayán

caxanilihuayaj xtihua!

iChuná calalh, amén!”

¹³ Chatum kolutzín

quilaktalacatzúhuilh, chu chuná quinkalhásquilh: “Hua yumá ti lilihakanankonit pacs xalaksnapapan xihakacán, ití xlacán, chu ní minkonitanchá?” ¹⁴ Chanchu quit cuánilh: “Tlati, quit ní ccatziy, xman huix catziya.” Chanchu xlá chuná quihuaniá: “Hua yumá huanti tlan tipatinankolh caj xpalacata xtachihuñ Dios, huampi tayanikolh sampi hua yumá huantu lichakakolh xihakacán, chu limasnapapanikolh hua xkalhni huantu stajmákalh xCalhniñu Dios.

¹⁵ “Huá xpalacata layakó c-xlactin Dios ti huí c-tlanca xlactahuilh mapaksiná, xalíankalhín quilhtamacú, catzisiní, xahuá cacuhuini liscujmakó c-tlanca xtemplo Dios, chu lakataquilhputamakó.

Chu Quintlaticán huanti huí c-tlanca xlactáhuilh xalíankalhín maktakalhmakó nahuán.

¹⁶ Xlipacscan yuma nialh catipatikolh tatzincsn, chu takalhpútít, chu nialh pala chichiní catimaakchichikolh, nialh pala catipatikolh lhacná.

¹⁷ Sampi tama xCalhniñu Dios ti yá luhua c-xlactin tlanca xlactahuilh mapaksiná antani huí Dios,

xlá namaktakalhkey xtachuná lantla tlahuay chatum xmaktakalhna calhniñu.

Napulalenkoy antani luhua anankoy taxtuní huantu mastakoy xatalulóktat latámat laquimpí tlan nakotnankoy,

chu masqui luhua huantu xlipuhuamakó, Dios namakoxumixikoy, chu nalacaxakakoy lantla xlapixtajmakó xpalacata huantu xlitasamakó.”

Xliaktujun sello, chu pumajinín xla oro

8 Acxni xCalhniñu Dios maactinilh xlipulactujun sello huantu xliqaslamacanit yama huantu caj xtakasmiliniit cápsnat, luhua titacacácsli c-akapún ayuj pala itat hora. ² Alistalh cucxilhkolh kalhatujun ángeles ti xyakó c-xlactin yama tlanca xlactahuilh mapaksiná antani huí Dios, chatunu maxquikoca aktum trompeta. ³ Alistalh mimpá chatum ángel huanti xchipanit aktum pumajinín xla oro, chu antá táyalh c-xlactin xapucxtlahuan altar

xla oro huantu xyá c-xlacatín tlanca xlachtahuilh Dios, chu lhuahua limajinín maxquica huantu lacxtum tatlahualh xoracioncán huanti lipahuankoy Dios, lilakatayánal c-xokspun altar. ⁴Chanchu xajini yama limajinín huantu tzúculh lhcuyuy ángel, lacxtum tzúculh tatatalhmaniy xoracioncan yama huanti xlipahuankoy Dios hasta chalh c-xlacatín antani xlá huí. ⁵Yama ángel tiyapá pumajinín, chu mujúnih jalánat huantu xuí c-xokspun pucaxtlahuán altar, chu alístalh lhkan makósulh hasta catiyatna. Acxni antá tamachá, lipecua lantla tzúculh macaacsán, tzúculh jiliy, chu maklipa, hasta lalalhuhua tzúculh tachiquinán, chu laktzankánan catiyatna.

Chatunu ángeles tzucuy mamacasánikoy xtrompetajcán

⁶Hua chu yama kalhatujun ángeles ti xkalhikoy akatunu trompeta tzúculh lihuana chipakoy laquimpí nasunukoy. ⁷Puschí yama ángel huanti calacán xyá pulh mamacasánihl xtrompeta, chu tuncán tahuilachi sen, chíjít, huilhaj xtalani lhcúyat, xahuá kalhni. Lantla xlitlanca catuxáhuat pala xliaktutu xpalacata lhcutahuilakoça, nialh pala akatum quihui, chu nimpala tú staka tuhuán xakatáxtulh.

⁸Acxni xlichatuy ángel mamacasánihl xtrompeta, quit cúcxilhli pī macánca c-takayahuaná aktum tlanca lhcúyat xtachuná aktum tlanca kastín, chu lantla xlitlanca takayahuaná tu huí catuxáhuat, pala xliaktutu xpalacata, kalhni huankolh.

⁹Xlipacs huantu xtajumakó xastacná c-takayahuaná, aktutu xpalacata níkolh, xahua aktutu xpalacata putacutnu láksputli.

¹⁰Acxni xliikalhatutu ángel mamacasánihl xtrompeta, tamakuaschá aktum tlanca stacu c-akapún, chu lipecua lhcutilhay hasta tajuchi

c-aktutu xpalacata, antani huilakó kalhtuchoko, puxka, xahuá taxtunú xala catuxáhuat. ¹¹Yama stacu xuanicán Xuniastacu, antani tajuchi yuma stacu huantu tamákuasli, malaxxunikolh chúchud, chu caj xpalacata yama xaxun chúchut lhuahua tachixcuhuítat tilinikolh.

¹²Alístalh xliikalhatati ángel mamacasánihl xtrompeta, cúcxilhli pī lantla xlitlanca chichiní pala aktutu xpalacata timalakapokluhánihl, na chuná papá, xahuá stacu, chu nialh chuná makaxkakanankolh lantla xmakaxkakanankoy; chu na chuná catzísni, xahuá cacuhuiní, aktutu xpalacata maactzuhuica cxkakánat.

¹³Alístalh chu cúcxilhli tantum tlanca pichahua huantu xkoslahuaca caunín, chu ckáxmatli lantla xliakapixchatlanca xchihuina, chu chuná huá: “iCaná koxutanín ti lamakó catuxáhuat, sampi lipecua namín tapatín acxni namamacasánikoy xtrompetajcán yama kalhatutu ángeles huanti tzankakoy, ni asunukoy trompeta!”

9 Acxni chu súnulh xtrompeta xliikalhaquitzis ángel, cúcxilhli pī tamákuasli c-akapún hasta catiyatna chatum huanti xtachuná xtsiyuy tlanca stacu. Yuma huanti xtachuná stacu maxquica llave huantu tlan nalimakalkháy pulhman tzankánat xtachuná aktum tlanca pozo huantu nitú kalhiy xtampún, pacs cahuancua.

²Puschí yama stacu timakálhkalh yama pulhman tzankánat, chu antá tacxtuchi lhuahua jini xtachuná la xla tlanca pulhkoyun, hua yama jini tu tacutuchi c-pulhman pozo malakapokluhanikolh chichiní, chu takatakolh caunín. ³Antiyá c-xlacni jini taxtuchi lhuahua xtuqui, tzúculh koskoy, chu talakapuntumikolh xlicatlanca catuxáhuat; yuma xtuqui maxquikoça litlihuaka xtachuná

lantla kalhikoy stancutu. ⁴Puschí tilimapsikōca pī nītú natlahuanikoy tuhuán xala catiyatna, chū catuhua limonkón yakó stakninqi, chū na nimpala hua quihui, huampi caj xman huá namasipanikoy huanti nītú kalhikoy c-xmuncán xlihlca Dios.

⁵Huampi hua xlacán nī limapsikōca pala tī namaknikoy, huata caj xman namasipanikoy tachixcuhuítat, chū namacatzanapatinikoy hasta akquitzis papá, pus hua tamā xtuquī xtachuná xlicatzán xcanankoy lantla stancutu.

⁶Yamā quilhtamacú acxnī luhua macatzanajuanimākoj nahuán xtuqui, lhuhua huanti naputzakoy lantla xnikolh, huampi nī catimatlanikolh, caj ucu naniputunkoy huampi xpuchina calínín mákat tžalanit nahuán.

⁷Yamā xtuquī xtachuná nalitaxtukoy lantla cahuayu huantu caxyahuakocanit laquimpi nalenkocán c-putalatlahu; c-xakxekacán xacuila kó xtachuná aktum corona xla oro, chū c-xlacancán xtachuná xlacahuankoy lantla çatum chixcú. ⁸Cúcxihlhī pī luhua laclhmán xkalhiy xchixit xtachuná lantla xla puscát, chū xtatzán xtachuná xkalhiy lantla xla tantum xahuana takalhín huancán león.

⁹Xlipacs xlitlancacan yamā xtuquī pacs maclicán xuankonit, chū acxnī xkoskoy lipecua xmacasánán xpakancán xtachuná lantla macasánankoy lhuhua carreta huantu lhtancalenkoy cahuayu acxnī lamā putalatlahu. ¹⁰Chinchu hua cstajancán luhua quincatzajaján xkalhikoy xtachuná lantla xla stalúcut, acxnī chū xlixcakoy chixcuhuín lipecua xcatzanikoy, chū xmapatinikoy hasta akquitzis papá. ¹¹Xuī çatum huanti xpuxcunanikoy yuma xtuqui, nā huatiyá tī xpuchiná xuanit yama tlanca pulhman tzankánat huantu nī kalhiy xtampún, c-xtachihuín hebreo huancán Abadón, chū c-xatachihuín griego xuanicán Apolión.

¹²Pus tixtaxtukolh yuma tapatín, xahuá talipuhuán, huampi tzankaycú namín apulactuy.

¹³Acxnī xlikalhachaxan ángel mamacasánilh xtrompeta, ckáxmatli pī taxtuchi tachihuín c-xchastutati altar huantu xla oro, antani pucaxtlahuānancán Dios huantu yá c-xlacatín. ¹⁴Chū huanti chihuínalh chuná limapáksilh yamā xlikalhachaxan ángel huanti xchipanit xtrompeta: “Catlahua litlán, caxcutkó tamā kalhatati ángeles huanti chihuilikocanit c-xquilhtun kalhtuchokó huancán Eufrates.” ¹⁵Puschí makaxtakkoça yamā kalhatati ángeles laquimpi namaknikoy aktutu xpalacata lantla xlihlhuhua tachixcuhuítat çatuxáhuat, sampi huá xlimakakalhijnimākoça, chū xlaaccaxyahuamakōça laquimpi namakaxtakkoçán acxnī nalakhchán cata, papá, xahuá quilhtamacú, chū xatú hora luhua chuná xlikantáxtut xuanit. ¹⁶Chū ckáxmatli nī kalhalit xtropajcán xliminkoy yamā kalhatati ángeles, aktuy ciento millones lantla huanti macahuayujnanín.

¹⁷Chuná c-quincatalacapalajuán quimaucxilhnica yamā lhuhua cahuayu, chū tropa huanti xkahuilakó, pacs licán xkalhikoy c-xcuxmuncán laquimpi nī namasipanikoy huantu nalitalakocán licán, huampi kampalhuhua colores xkalhiy, makapitzī spupucu, chū makapitzī smucucu xtachuná lantla azufre. Chū yamā cahuayu xkalhikoy xakxekacán xtachuná lantla xla tantum león, chū c-xquilhnicán xtatumachī lhcúyat, jini, xahuá azufre huantu clhcuma. ¹⁸Lantla xlihlhuhua huilaca çatuxáhuat, aktutu xpalacata tachixcuhuítat maknikolh huantu taxtuchi c-xquilhnicán cahuayu: lhcúyat, jini, xahuá azufre huantu clhcuma. ¹⁹Sampi xlipacs xlitlihuakacán yamā cahuayu, antá

xkalhikoy c-xquilhnicán, xahuá cstajancán; sampi cstajancán luhua xtachuná xlitaxtukoy lantla luhua, chu tü xkalhikoy xaxxekacán pus huá xlimasipaninankoy.

²⁰ Chinchu yama chixcuhuín huanti akataxtukolh sampi ni naj lakchankolh malakspütünanín, pus nimpala chuná lakpalikolh xalixcainit xtalacapistacni, chunacú xtlahuamakó huantu lixcájnít xlatatikoy, xlacán chunatiyá xlakataquilhputakoy akskahuín, xahuá tü caj tatlahuamakxtu xla oro, chu xla plata, chu xla bronce, chu xla chíhuix, chu xla quihui. Pacs yuma xlakataquilhputakoy la xdioscán masqui xcatzikoy pi ni lay lacahuánankoy, chu ni lay kaxmatkoy, chu na ni lay tlahuankoy. ²¹ Na nimpala chuná talakaspittayanikolh, usu makaxtakolh lantla xliłamakó, xlamaknikoy, xlascuhuakoy, xtatalaxxtumikoy atanu lacchajan masqui huí xpuscatcán, chu chunatiyá xkalhanankoy.

Chatum ángel huanti xchipanít actzu xatasmilin cápsnat

10 Alistalh chu cucxilhpá chatum tlanca talipahu ángel, luhua tlihuaka, ti xtactamachi c-akapún hasta catiyatna, xmimá c-xlacni puclhni; c-xaxxeka xuilánilh kantum lilakatit chamacxculit, chu c-xlacán luhua lilakátit xlakskoy xtachuná chichini, chu xaklhtantún xtachuná xasiyuy lantla acxni lipecua lamama lakskey tlanca lhcúyat. ² Yama ángel xchipanít c-xmacán mactum actzu xatakasmilin cápsnat huampi xpuxcutcanít. Acxni chilh catiyatna xtantupakstácat litatútalh c-xkalhni takayahuaná, chu xtantupakxuqui litatútalh c-xokspun catiyatna. ³ Caj xamaktum xlipacs xliakapixchatlanca catásalh xtachuná lantla tasay tantum tlanca lapánit; acxni catásalh ckáxmatli lantla pulactujun

jilí kalhtinankochá. ⁴ Acxni yama pulactujun jilí kalhtinankolh, quit xactzokuiliputún huampi ckáxmatli pi minchá tachihuín c-akapún huantu chuná quihuánilh: “iCaj xman miacstu calicatzí huantu huankolh tama pulactujun jilí, huampi ni catzokuili c-milikalhtahuaka!”

⁵ Yama ángel ti xliya xtantutu c-xkalhni takayahuaná, chu xatantutu c-xokspun tíyat, litapakayáhualh xpakstácat c-akapún, ⁶ chu c-xtucuhuini liquílhalh yama huanti caxanilihuayaj quilhtamacú lama, huanti malacatzuquikonit akapún, catiyatna, takayahuaná, xahuá xlipacs huantu antá anankoy, ángel huá: “Xlicana pi nialh makcatzi catimakapálalh huantu nalay; ⁷ sampi acxni nalakchán quilhtamacú lantla yama xlikalhatujun ángel naliskoliy xtrompeta, xlicana pi acxnitiya pacs kantaxtukonit nahuán xlipacs huantu Dios tzeek xliłhcahuilínit, xtachuná lantla tilimacatzinikolh yama xlacscujnín profetas huachá xpalacachihuinanín.” ⁸ Chanchu yama tachihuín huantu xackaxmatnit xapulana c-akapún, xlá quixakatlipá, namá quihuánilh: “Lalihuán caquímaklhti yama xatakasmilin cápsnat huantu chipanít yama ángel huanti xtantutu laya c-takayahuaná, chu xatantutu catiyatna.” ⁹ Quit calh antani xyachá yama ángel, csquínilh pi caquimáxquilh xatakasmilin cápsnat, huata xlá chuná quinkálhtilh: “Uhuí, huampi cahuat. Acxni nahuaya, luhua saksi nakalhuananá xtachuná xasaksi cera, huampi acxni aya huakonita nahuán, c-mimpoko luhua xun nahuanachá.”

¹⁰ Quit cmáklhtilh yama ángel xatakasmilin cápsnat, chu cualh; quit ckalhuánalh c-quinquilhni pi luhua saksi, xtachuná xasaksi cera, huampi acxni aya xacuakonit, xun cmakcatzichá c-quimpoko. ¹¹ Chanchu caj xamaktum

ckáxmatli pì chuná quihuanica:
 “Huix juerza naliçihuiñampalaya
 huantü Dios macatziniputunkoy pì
 naakspulakoy lñuhua tachixcuñat
 xala catuxáhuat, lantla caxatucagua
 lactlanca tíyat, xahuá cachiquín,
 xahuá mapaksinanín, masqui
 caxatucagua xtachihuiñcán lichihuiña
 nkoy.”

**Dios macaminkoy çatuy
 xakchihuiñanín huantü
 macatzinínankoy xtalulótkat**

11 Alístalh quimaxquica kantum
 lhman lñhca xtachuná
 kantum líxtoko, namá quihuanica:
 “Catáçxiti, na capit lhçaya tlanca
 xtemplo Dios c-Jerusalén, xahuá altar
 tü yá c-xpulaçni, na caputlakakó
 tí antá lakataquilhputanankoy.
²Huampi nì tilhçaya hua lantla
 kalhiy xatanquilhtinín, sampi tama
 xatanquilhtin aya macamaxquikocanít
 huantü akmakat chixcuñin nì
 xcanañlanín Dios; namín quilhtamacú
 acxñi xlacán lipecua nalikamanankoy,
 çu nalactayamikoy yama xasantujlani
 cachiçuin Jerusalén huantü Dios
 man lacsacnít pì xcachiçuin
 limaxtuy, chuná nalikamanankoy
 tipuxamatuy papá. ³Çu alístalh
 quit nacmalakachananikoy
 çatuy quiakchihuiñanín huantü
 nalilhakanankoy huachichi lhákat
 laquimpì xlacán naliakchihuiñankoy
 quintalulótkat, aktum mñlh aktuy
 ciento atutumpuxam quilhtamacú
 lichihuiñamakó nahuán.”

⁴Yuma çatuy akchihuiñanín
 huá xlacán litaxtukoy xtachuná
 akatuy xaquihui olivo, xahuá aktuy
 pumaksko tü yakó c-xlacatñ tlanca
 talipahu quiDioscán huantü xmalana
 catuxáhuat. ⁵Pala tí nataxtuyachá
 huantü namakniputunkoy, xlacán
 quilhtaxtukoy lhçuyat huantü maktum
 lñhcuyukoy xtalatlahuananín, chuná

namá nanikoy hua caxaticahua ti
 xmasipanikolh. ⁶Yuma xlacscujñi Dios
 huantü namacatzinínankoy xtalulótkat,
 xlacán kalhikoy nahuán litlihuaká
 namalakapachokokoy c-akapún
 laquimpì nì namín sen xlimakua xlacán
 antá lamakó nahuán catuxáhuat
 laquimpì naliakchihuiñankoy
 xtachihuiñ Dios, huampi na kalhikoy
 nahuán litlihuaká laquimpì hua
 chúchut kalhni natlahuakoy huantü huí
 catuxáhuat, çu na chuná caxatucagua
 nalimacatzanapatinikoy tachixcuñat,
 hasta lantla caj xanilihuayá chuná
 xpuhuankolh natlahuakoy.

⁷Huampi acxñi nalakchán quilhtamacú
 lantla xlacán tancs malulokkonít nahuán
 xtachihuiñ Dios, yama tlajaná huantü
 xtachuná luhua makakilhana lapánit
 chixcú tasiyuy, huantü chihuilicanít
 c-tlanca pulhman tzankánat huantü nì
 kalhiy xtampún, nataçxtuyachí antá,
 çu xlá nakospasakoy, namakatlajakoy,
 çu namaknikoy. ⁸Xtiyatlihuacán
 yuma xakchihuiñanín Dios antá
 namamikocán c-xitat xatlancatí tlanca
 cachiçuin Jerusalén antañi na antiyá
 mapatinicanít, çu maknicanít c-cruz
 Quimpuchinacán. Huampi yuma
 cachiçuin na xtachuná limaxtukocán
 lantla xamakan cachiçuin Sodoma,
 xahuá Egipto. ⁹Çu aktutu quilhtamacú
 aítat maj nahuán xtiyatlihuacán
 c-tlancatí, çu lñuhua chixcuñin
 canihua xalanín c-akatonu tíyat,
 çu catuhua quilhtzúcut anán,
 çu tipalhuhua tachihuiñ huantü
 lichihuiñankoy naminkoy ucxilhikoy,
 çu nì catimastaca talacasquín pala tí
 namaacnukoy c-tíyat. ¹⁰Tachixcuñat
 huantü huilakó nahuán catuxáhuat
 lipecua nalipaxuhukoy pì maknikoca,
 napaxuhukoy, hasta catuhua huantü
 natzucukoy lalacataquikoy chatunu
 amakapitzín; sampi hua yuma çatuy
 xakchihuiñanín Dios luhua lñuhua
 huantü xlimapatinikonít tachixcuñat.

¹¹Huampi acxni aya titaxtukonit nahuán yama aktutu quilhtamacu aítat, Dios namalakastakuanikoy yama chatuy xakchihiuinanin, xlacán nataquikoy, chu natayakoy, chu xlipacs huanti naucxilhkoy lipecua napecuaxnikoy. ¹²Huampi yama chatuy xakchihiuinanin Dios nakaxmatkoy aktum tachihuín huantu luhua pixtlanca lantla nahuaniokacán: “iLalihuán unú catántit c-akapún!” Chu xlipacs huanti sitzinikoy stalanca naucxilhkoy lantla natatálhmanikoy, chu nachankoy antá. ¹³Na acxnitiya chu natzucuy talacchiquiy tíyat, chu laktzankanán, chu caj xpalacata lantla natachiquiy tíyat, actum lantla xliaccahu chiqui xala yama tlanca cachiquín natalactilhtayakoy, chu nalakspukoy lactlanca chiqui, chu aktujun milh chixcuhuín nanikoy; huampi huanti ni nanikoy, naakataxtukoycú catuxáhuat, caj xpalacata xtapecuacán xlacán natzucuy maxquikoy cācni Dios ti huilachá c-akapún.

¹⁴Chuná namá titaxtukolh xlipulactuy tlanca tapatín, huampi tuncán mimapá xlipulactutu.

Xlikalhatujun ángel mamacasaniy xtrompeta

¹⁵Acxni lākchalh xlikalhatujun ángel naliskoliy xtrompeta, xalán takáxmatli pi luhua cānā līlhuuā pixtlanca xquilhuamācā c-akapún:

“iXlicānā pi caj xman huá xacstu mininiy namapaksinankoy catuxáhuat yama tlanca talipahu Quimpuchinacan Dios, na chuná Cristo huanti xtalacsacni! Chu chuná nalay, sampi xlacán caxanilihuayaj xtihua xman huá mapaksinamākoj nahuán.”

¹⁶Chanchū yama puxamatati lakkolún ti na xuilakó c-xlactahuilhacán c-xlactin Dios, putum tilakatatzokostakolh,

lichankolh xlacancán hasta catiyatna lantla tilakataquilhputakolh Dios, ¹⁷chu chuná xquilhuamākoj:

“Cānā ccapaxcatcatziniyān huix tlanca talipahu quiDioscān huanti tlanca milacatzúcut, sampi huix huanti xaliānkālhin quilhtamacú latapanita, xtachuná la calanchū chunatiyá lápat nahuán.

Ccapaxcatcatziniyān pi huix chu maclacasquinā yama tlanca mililitlihuakā tū ankālhin kalhiya, chu tzucunita mapaksinānā xtachuná lantla mininiyān.

¹⁸Xlipacs lactlanca mapaksinān xala canihua tíyat ti ni ucxilhputunkoyān lipecua akasitzikōnit; sampi lakchanit quilhtamacú lantla namasiyuya mintasitziliakastacyahuán, chu natatlahuakoya cuentā xpalacata xtalakalhincán pacs huanti nikōnit; chu namaxquikoya huantu timalacnunikō yama miakchihiuinanin huanti miprofetās, na chuná yamā huanti huix tapaksinikoyān milakskatān, huanti maxquikōnitān cācni c-xlatamatcān, chuná huanti lactalípahu, xahuá huanti tasiyukoy pi nitú xlakasicān; huampi maktum namalakspukoya huanti xmaaktzankayāhuanamākoj catuxáhuat.”

¹⁹Caj xamaktum talácquilh xtemplo Dios huantu huilachá c-akapún, chu c-xpulacni templo xtasiyuy pi xtanumachá aktum páklhat xla oro antāni xtajumā yama xtalaccaxlan Dios huantu luhua pulanā titatlahuakolh tachixcuhuítat. Acxni chuná

cucxilhkolh lipecua tzúculh maklipa, chu tzúculh jiliy, lipecua tzúculh macasanán lantla xtachiquima tíyat, na chuná tzúculh min tlanca sen, xahuá luhua lactlanca chíjit.

Chatum puscát huanti lipecua talamakasiitziy akskahuini

12 Caj lipuntzú cucxilhpá aktum tlanca liçacni lilacahuán c-akapún: chatum puscát akmilij xliłanit cəkakanat chichiní, xtachuná lampala huá xliłhakananít. Antá c-papá xtantutay, chu c-xakxeka xacui aktum corona huanti xkalhiy akcutuy stacu. ²Yama puscát nialh xacstu xlama, xkalhkalhima chatum cskata. Acxni makcátzilh pi aya lakchama quilhtamacú, lipecua tzúculh tasaxniy caj lantla xcatzanajuanama, chu xtatlakajuanama pi ni lay xłaktaxtuy. ³Na acxnitiya cucxilhpá aktum tlanca liçacni lilacahuán, cúcxilhli tantum tlanca animah xtachuná lantla tantum tlanca tzutzoko luhua huantu huanicán dragón, aktujun xakxeka xkalhiy, chu kancahu xakalókot, chu c-akatunu xakxeka xacui akatunu corona. ⁴Chanchu cstaján yama tlanca tzutzoko dragón lixuataáactilh aktutu xpalacata lantla xliçatlanca huí luhua stacu c-akapún, chu antá putum macachinkolh catiyatna. Yama tlanca tzutzoko dragón luhua antá tahuí c-xłacatín antani xma puscát huanti xliłaktáxtut xuanit, laquimpí tuncán nahuaniniy cskata acxni nalacachín. ⁵Chanchu puscát, timachixcúhuilh chatum actzú kahuasa huanti xliłhçacanít pi namapaksinán c-xliçatlanca catuxáhuat lantla chá catucahua lactlanca çáçiquín huilakó, huampi xlá tlihuaklh nahuiliy xliłmapaksín xtachuná lantla huanti xliçana mapaksiná. Huampi yama puscát maklhtica xkahuasa, lenca c-xłacatín Dios antani huilachá c-tlanca

xpumapaksín c-akapún. ⁶Hua chu puscát xlá tzálalh c-desierto antani nití anán, çalh lacatum antani Dios chuná xçaxuilininit laquimpí antá namahuicán hasta natitaxtuy aktum mih aktuy ciento atutumpuxam quilhtamacú.

⁷Alistalh cúcxilhli pi tzúculh tatalatlahuán c-akapún, yama xapuxcu ángel Miguel xahuá xáñeles tzúculh talatlahuakoy yama tlanca tzutzoko dragón luhua, xahuá xliłpacs huanti tascujkoy, xłacán na tzucukolh talalacataquikoy, ⁸huampi ni lay makatlajakolh yama xapuxcu ángel Miguel, huata xlá tayánilh, chu maktum makatzankakolh xliłmapaksincán c-akapún. ⁹Chunachí titamacaxtuçá c-akapún yama tlanca tzutzoko dragón luhua, huanti huatiya yama xaaskahuini luhua huanti makán lama, chu huanti huanicán Diablo, xahuá Akskahuini, huanti akskahuikoy xliłpacs tachixcuhiitat ti lamakó çatuxáhuat, pus xlá, chu xliłpacs xaaktzankan áñeles huanti xmaktayakoy, tamacactikocanchi catiyatna.

¹⁰Na acxnitiya ctikáxmatli aktum tachiuhín huantu minchá c-akapún huantu namá xuan:

“Hua chu aya lakchanit quilhtamacú lantla nakalhiyahu xakaputáxtut tlanca talipahu quiDioscán, stalanca masiyunit pi xman hua xlá huanti kalhiy tlanca xłacatzúcut, chu litlihuaka tlan namapaksínán, na natamapaksínán yama Cristo huanti lilacsacnit quimaakaputaxtinacán nahuán. Sampi chu aya maktum tu tlakaxtucanít yama akskahuini huanti xliłjankalhín catuhua xliłmalaksiyumakó quinalalancán. Tama akskahuini niucxnicú xjaxma catzisiní, chu çacuhuini, catuhua xliłstahuamakó c-xłacatín Dios.

- ¹¹ Huampi tama quinatalancán huanti tapaksinikoy Dios, xlacán huá limakatlajakolh, sampi xlacán huá xlichakankonit xkalhni Xcalhniñu Dios, huachá Quimpuchinacan Jesús, huantu xlá stajmákalh c-cruz, chu caj xpalacata yama xtachihuín Dios huantu xlacán xliakchihuínampulakoy. Ni pala tzinú lipecuankolh pala namaknikocán caj huá xpalacata, huata aktum catzikolh masqui huá calimaknikoca.
- ¹² iPus caminiñiyán capaxuhúatit xlipacs huixín ángeles, xahuá pacs huanti huilakó c-akapún! iHuampi koxutanín huixín huanti lapátit catuxáhuat, usu lapátit c-takayahuaná, sampi cumu tama akskahuiní catziy pi nialh makas quilhtamacú lantla lamajcú, pus luhua lipecua sitziniñ lantla tactanitanchi catiyatna!”
- ¹³ Acxni yama tlanca tzutzoko dragón luhua mákátzilh pi xmakatlajacaniñanchá c-akapún, chu xtamacacticaní hasta catiyatna, catiyatna tuncán tzúculh putzastalay yama puscát huanti xmachixcuhuiliñit actzu cskata. ¹⁴ Huampi yama puscát timaxquica aktuy lactlanca xpakán xtachuná lantla xla pichahua, laquimpi tlan nakosa caunín, chu naán tatzeka c-desierto antani xcaxtlahuaniniñ Dios antá namahuicán, chu namaktakalhcan aktutu cata aítat, antani ni lay nataksa yama tlanca tzutzoko dragón luhua. ¹⁵ Caj xtasitzi yama tlanca tzutzoko dragón luhua quilhtáxtulh luhua chúchut laquimpi natlahuay kantum kalhtuchokoy huantu namamuxtiy yama puscát huanti xputzastalama. ¹⁶ Huampi catiyatna na maktáyalh yama puscát sampi xlá maktum talakpítzilh tiyat, chu antá laktzankakolh yama

chúchut huantu xquilhtaxtuniñ tlanca dragón luhua. ¹⁷ Caj xpalacata huantu akspúlalh, yama tlanca dragón luhua, lihuacá sitziniñ yama puscát, huata alh taltlahuakoy xlipacs huanti xlinatalán, huachá ti cacinanikoy, chu kalhakaxmatkoy xlimapaksin Dios, chu akstítum lilamakó yama xtaluloktat Dios huantu tiquilichihuínanchi Jesucristo.

Tantuy lactlanca makaklhana lapanit chixcú

13 Chanchu alistalh cucxilhpá pi xtacutmachi c-takayahuaná chatum chixcú huanti xtasiyuy la tantum tlanca makaklhana lapanit, xkalhiy aktujun xakxeka, chu kancáhu xakalókot. Kanatunu xakalókot xkalhiy aktum corona, chu c-akatunu xakxeka xtatzoktahuilaniñ laclixcajniñ tachiuhuín huantu xliacataquimaca, chu calahuá xquilhanima Dios. ² Yuma tlanca makaklhana lapanit chixcú huanti quit cúcxilhli, luhua xtachuná xtasiyuy la tantum tlanca stacumisin, huampi xtantunín xtachuná xtasiyuy la xla oso, chu xquilhni xtasiyuy la xla León. Yama tlanca tzutzoko dragón luhua máxquilh xlitlihuaka, xahuá xlimapaksin laquimpi namapaksinan la chatum tlanca rey. ³ Aktum xakxeka yama lapanit chixcú xtasiyuy pi lipecua lantla xtasipaniniñ, luhua xliniñ xuanit, huampi huá antani xtasipaniniñ, caj xamaktum tipacsi, chu xlipacs huanti xala catuxáhuat, cacs lilacahuankolh acxni ucxilhkolh pi tatlanilh, hasta luhua chixcuhuín tzúculh lipahuankoy yama tlanca lapanit chixcú xtachuna pala xmaakaputaxtinacán ti nalakmaxtukoy c-xlatamatcán. ⁴ Na luhua ti tilakataquilhpatakolh yama tlanca tzutzoko dragón luhua, chu chuná xuankey: “Xlicana pi niñi anán atanu xlitlihuaka xtachuná lantla yuma tlanca lapanit chixcú; xahuachí,

¿tí cahuá tlan natalatlahuay, chu namakatlajay?”

⁵Na maxquica quilhtamacú pī tlan lixcájnī calikalhchihuínal, chu camaxcajuálīl xtucuhuini Dios, chu na tlan camapaksínal hasta tipuxamatuy papá. ⁶Cumu maxquica limapaksín, xlicana pī chuná lixcájnī, chu calahuá likalhchihuínal Dios, calahuá, chu catuhua tú lilacatáquilh; na chuná lixcájnī lantla likalhchihuínankolh, chu maxcajualikolh xtucuhuini, chu xputahuil Dios c-akapún, chu yamá huanti tahuilakochá. ⁷Na timaxquica talacasquín pī catalatlahuakolh huanti chunacú xlipahuankoy Dios catuxáhuat, chu camakatlajakolh, chu na maxquica quilhtamacú caakchipakolh xlipacs caxatucahua tíyat, chu tachixcuhuítat, masqui caxanichahua xalanín, chu caxatucahua tachihuín lichihuínankoy lantla xlicatlanca catuxáhuat. ⁸Masqui xlipacs tachixcuhuítat xala catuxáhuat tzúculh lipahuankoy, chu lakataquilhputakoy yamá makaklhana lapanit chixcú, huampi ní chuná tlahuakolh huanti xlipahuankoy Dios, huachá tī hasta ní xamalacatzuquicán catuxáhuat tatzoktahuiilanitá xtucuhuinicán c-libro xla latámat antani tatzoktanukonit xlipacs huanti kalhikoy xatalulóktat latámat huantu niucxni laksputa, huantu mastay xCalhñil Dios huanti xókolh quintalakahincán.

⁹Huixín huanti kalhiyátit miliakahuancán, caakatáksit huantu ccahuanimán:

¹⁰“Lapi huí tī antiyá lakchán pī nalichilenkocán, xlicana pī nachilenkocán; chu huanti antiyá lakchán pī namaknikocán, nitú xlahtáxtut sampi juerza pī namaknikocán.”

Huampi huanti xlicana tapaksinikoy Dios, chu lipahuankoy, lacasquinkoy pī napaxuhuanalenkoy, ní nataxlajuanikoy, chu xanalkhín nalipahuankoy Quimpuchinacán.

¹¹Alistalh cucxilhpá tanu chixcú huanti na xtasiyuy xtachuna tantum makaklhana lapanit, xtactumachi ctíyat, yamá makaklhana lapanit chixcú xkalhiy kantuy xakalókot huantu xtachuná xtasiyuy la xla calhñil, huampi acxni chihuínán xtachuná xliakapixchatlanca lantla chihuínán yamá lixcajnī dragón luhua.

¹²Na chuná xkalhiy xliitlihuaka, xahuá xlimapaksín lantla xkalhiy xakasiya makaklhana lapanit chixcú huanti pácsnilh yamá tlanca tasipánit huantu aya xmakniy xlicatzán, huá xpalacata xlicujma, chu juerza mapuhuanikolh huanti lamakó catuxáhuat pī calakataquilhputakolh yamá xakasiya lapanit chixcú. ¹³Xahuachí xtlahuakoy lactlanca licacni tatlahu, chu hasta tlan xlá xtamacactiy lhcúyat c-akapún hasta catiyatna huantu lanaj xliacahuankoy tachixcuhuítat. ¹⁴Caj xpalacata yuma lactlanca licacni tatlahu huantu xlá xmaxquicanit litlihuaka natlahuay, chuná tlan caliakskahuimikolh tachixcuhuítat xala catuxáhuat, hasta matlahuikolh aktum tlanca xdioscán huanti xtachuná xtasiyuy lantla yamá xapulana makaklhana lapanit chixcú huanti xlimasipanicanit espada, masqui luhua aya xniy xtasiyuy huampi xlá chunacú xlamá xastacná. ¹⁵Yuma xlichatuy lapanit chixcú, maxquica litlihuaka laquimpi namalakastakuanīy, chu namaxquiy latámat yamá tlanca xatalhpitmakxtu xpuxoko xakasiya lapanit chixcú huantu xmatlahuinanit laquimpi xlá man nachihuínán, chu nalimapaksinán pī camaknikoca xlipacs yamá huanti ní nalakataquilhputakoy la xdioscán. ¹⁶Xahuachí limapaksínal pī xlipacs masqui huanti lactalípuh, na xahuá huanti nitú xlakasicán, huanti matamacunanín, xahuá huanti limaxkanín, huanti la tachín mascujumakoca, usu huanti calakuán lamakó, pacs cahuilinikoca

c-xpakstacat, usu c-xmuncán aktum lilhca huantū naliłakapaskocán. ¹⁷Na limapaksínalh pī nimpala chatum tī tlan natamahuanán, usu natanán pala nī lilhcañit c-xmun xtucuhuini, usu xanúmero yama tlanca makaklhana lapánit.

¹⁸Laquimpī tlan naakataksátit huantū ccahuanimán talacasquín liakskálalh, pus huantī puhuán pī akataksma yuma tachihiuín caucxilhlacástuclī lantla quítaxtuy xanúmero yama lapánit chixcú, sampī xataputlakán taxtuyachá xtucuhuini chatum chixcú. Hua yuma número huantū taxtuyachá: akchaxan ciento atutumpuxamachaxán.

Xtatlincán 144,000 xatalacsacni chixcuhuini

14 Alístalh cucxilhpá yama huantī lītaxtuy xCalhñilu Dios, antá xlá xyá yama kastín huantū huanicán Sión, antānī huí xacāchiquín Jerusalén. Antá lacxtum xtayakó aktum ciento atipuxamatati mīlh xatalacsacni chixcuhuini, huachá tī c-xmuncán xtzokuilīnikocanīt xtucuhuini xCalhñilu Dios, xahuá xtucuhuini Xtlat. ²Alístalh xtaxamata xtachuná lantla macasánán antānī xuástat tamakuasā luhua chūchut, usu xtachuná lantla takaxmata acxnī lipecuā tzucuy jiliy; na chuná xtaxamata lampala luhua tlaknanín huantī xtlakmakó, usu xtlinquimakó xtlitlaknacán huantū huanicán arpa.

³Chū na xlitlikoy aktum tatlín xasasti antá c-xlacatīn xlectahuilh mapaksínā, chū c-xlacatīncan yama tantati ángeles huantī la takalhín xtasiyukoy, chū lakkolún; na tīnī lay tlan xcatzīnikoy tatlín huampī xman hua yama aktum ciento atipuxamatati mīlh xatalacsacni chixcuhuini huantī xlakmaxtukocanīt c-xlakstipancan tī xala catuxáhuat. ⁴Hua yumá huantī niucxnicú xmaxcajualikonīt xlatamatcán huantū maaktzankánán

catuxáhuat, huata ankalhín caj xman huá akstītum lenkolh xlatamatcán, chū xlipacs xnacucán xlipahuankonīt Cristo, huá xpalacata xlistalanikoy canicahuá antānī xlá an. Hua yumá huantī luhua pulh xlakmaxtucanīt, xlacsacxtucanīt c-xlakstipancan tachixcuhuítat laquimpī akstītum nalilakataquilhputakoy Dios, xahuá xCalhñilu. ⁵Yumá huantī niucxnicú taksnikocā pala xlichihuínankolh taksanín, sampī xlicānā pī luhua akstītum xlamakó.

Xtachihuincán kalhatutu ángeles

⁶Alístalh cucxilhpá chatum ángel huantī xkosmā talhmán caunín, xlá xlen aktum xtamacatzīnīn Dios huantū xlipaán talulóktat nahuán, laquimpī naliakchihuínankoy xlipacs huantī huilakó c-xlicatlanca catuxáhuat, masqui canihua xalanín c-akatunu tīyat, chū nī quilhtzúcut, chū lantla nī tachihiuín lichihuínankoy. ⁷Chū luhua pixtlanca chuná xuan: “Cacacnīnanítit, chū calakataquilhputátit Dios huantī tlanca xlatatzúcut, sampī chū aya lakchanīt quilhtamacú lantla natatlahuakoy cuenta xlipacs tachixcuhuítat. Hua xpalacata ccalihuanianyān pī chū xman huá calakachixcuhuítit tlanca talipahu Dios huantī malacatzuquinīt, chū xpuchiná catuhua tū anán catuxáhuat, c-akapún, c-takayahuánā, chū hasta xlipacs lactzu taxtunū huantū anán.”

⁸Alístalh cucxilhpá pī cstalanitīlhay xlichatuy ángel huantī namá xquilhuama: “iAya láclalh, xlicānā aya namalaksputumikocán yama tlanca cāchiquín huanicán Babilonia! iHua xaaktzankatāyan latamat tū antá masiyucanīt na maaktzankayahuankonīt xlipacs tachixcuhuítat huantī huilakó c-xlipacs amakapitzīn cāchiquín tū anán catuxáhuat!”

⁹Alístalh cucxilhpá xlikalhatutu ángel huantī na luhua pixtlanca chuná

xquilhuama: “Lapí caxaticahuá huanti huata huá nalakataquilhputay yama lipecua lapanit chixcú, usu huantu xatalhpitmakxtu, chu lapí natamastay nalhcahuilicán xtucuhuini, c-xmun, usu c-xmacán. ¹⁰Entonces namakcatziy xlipacs xtasitziljakastacyahuan Dios huantu xlá nalimapatinikoy xlipacs ti ni lakachixcuhikoy; huanti chuná nalakchanikoy nalimapatinikocán lhcúyat, xahuá azufre huantu xalíankalhín lhcumá nahuán c-xlacatincan yama xasantujlani xángeles Dios, chu Cristo huanti litaxtuy xCalhnilu. ¹¹Yama lhcúyat huantu nalimapatinikocán niucxní mixma, uclá pasámaj nahuán caxanilihuayaj xtihua, sampi xlakataquilhputakoy yama makaklhana lapanit chixcú, usu xatatlahuamakxtu; xlacán niucxní catimajaxakoca, xlipaán mapatinimakoca nahuán, xahuá yamá huanti tamastakoy huilínikoca c-xmuncán, usu c-xmacancán xtucuhuini makaklhana lapanit chixcú.”

¹²Huá xpalacata xlipacs huanti aktum catzikoy pi xman hua Dios tapaksinikoy, chu namakantaxtiputunkoy xlipapaksín, xahuá akstitum lipahuamputunkoy Jesús, luhua xlikalhítcan tlanca takpuhuanitín, chu litlihuaka.

¹³Na acxnitiya ctikáxmatli aktum tachihuín huantu minchá c-akapún, chuná quihuánilh: “Pacs catzokti yuma tachihuín huantu nakaxpata: ‘Lanchú hasta naán quilhtamacú huanti xnikolh chunatiyá lipahuankoy nahuán Quimpuchinacán cana lipaxuhu naquitaxtunikoy.’”

“Xlícana pi chuná —huan cspíritu Dios—, sampi xlacán maktumá tu najaxkoy, chu nialh tú catilimascujukoca, sampi xalíankalhín palacacihuinamakó nahuán huantu lacuan xtatlahucán tlahuakonit c-xlatamatcán.”

Lantla naquitaxtuy acxní Dios natatlahuakoy cuenta tachixcuhítat

¹⁴Acxní ctalacayáhuah, cúcxilhli pi xlahuaca snapapa puchlhi, chu c-xlacni puchlhi xuí huanti xtachuná xtsiyuy chatum chixcú. C-xakxeka xacui aktum corona xla oro, chu xchipanit aktum stacaca xlichucucan sákat huantu xtachuná machiti huanicán hoz. ¹⁵Cucxilhpa pi taxtuchá c-xtemplo Dios huantu huilachá c-akapún chatum ángel huanti xlipacs xlitlihuaka xquilhanima yamá huanti xuí c-xlacni puchlhi: “Catahuixcani, tzapu camascuju miliscujni, sampi chu aya lakchanit quilhtamacú lantla natzucuya chucuquiya lanánat, sampi xacatlátá.” ¹⁶Chanchu yamá ti xuilachá c-xlacni puchlhi, xlá tzúculh mascujuy xlicujni catiyatna, chu tzúculh chucuqui, chu mamacxtumiy huantu aya xlanananit catuxáhuat.

¹⁷Alistalh cucxilhpa pi taxtupá chatum ángel c-xtemplo Dios, xlá na chuná xchipatilhay aktum stacaca liscujni xtachuná lantla machiti. ¹⁸Chu antiyá c-xtemplo Dios taxtuchí achatum ángel huanti kalhiy tlanca limapaksín nalimalaktzankanán lhcúyat, chu luhua pixtlanca tiquilhánilh huanti xchipanit xastacacaxnín xlicujni, chuná huánilh: “Lalíhuán camascuju xastacacaxnín miliscujni, chu cacaactikó muslhuhua tamakalán xla uva xala catuxáhuat, sampi chu aya lakchanit quilhtamacú lantla nacakoyahu sampi tlan catlanittá.” ¹⁹Yamá ángel tzúculh mascujuy xlicujni c-xokspun catiyatna, chu xlipacs antani xlacchatayama uvas, xlá musatunu cakolh, chu macxtum huilikolh antani huí tlanca xpulakchitcan uvas laquimpí macxtum nalakchitcán. Hua yumá lacatancs limasiyuputún pi lipecua tapatín huantu macamimaj nahuán Dios caj xpalacatacán huanti ni

lakachixcuhukonit. ²⁰Yamā lhuhua uvas huantu mamacxtumikoca mákat c-xquilhapan xacachiquin Jerusalén antá xuí puchitni antani tzucúcaj lakchitkocán; chu c-puchitni tzúculh taxtuy lhuhua kalhni, chu lantla xlipulhmán xquixtatumā māx xchan c-xkalhtzan tantum cahuayu, chu lantla xlikalhltlanca antani chuná tamákalh kalhni māx cumu aktutu ciento kilómetro.

Kalhatujun ángeles huanti xlimimakó ahuatiya pulactujun tapatín

15 Alistalh cucxilhpá aktum tlanca liçacni xaliucxíltit c-akapún: cucxilhkölh kalhatujun ángeles huanti xliminkoy pulactujun ahuatiya pulacluhua tapatín huantu naliakaspata xtasitziliakastacyahuan Dios.

²Na cucxilhpá aktum lilakatit stalanca takayahuaná, c-xokspun xtasiyuy xtachuná la hualhtin, yamā chuchut xala c-takayahuaná xtatahuilhanit lhcúyat. C-xquilhtun yamā tlanca takayahuaná antá putum xyakó yamá huanti xmakatlajakonit lixcanjit xtalacapistacni yamā makáklhana lapanit chixcú, chu ni lakataquilhputakölh huantu caj xmacanitlahuacanit, chu ni pala lilhcakoca xtucuhuini, xlipascán xchipakonit akatunu xlitlaknacán huantu Dios xmaxquikonit, huanicán arpa.

³Xlitlimakó xtatlin Moisés huanti tlanca cscujni Dios xuanit, xahuá xtatlin Cristo huanti litaxtuy xCalhñilu Dios. Chuná xtlimakó, xuankey:

“Quimpuchinacan Dios man hua huix kalhiya tlanca lacatzúcut, xliçana pi luhua tlanca liçacni xlipacs huantu tlahuanita.

Xliçana pi man huix huanti mininiy nalitaxtuya yamā tlanca talipahu quiReycán ti naquincamapaksiya xlipacs quin huanti xala catuxáhuat.

Sampi mintalacapistacni, pacs akstitum; chu huantu limapaksinana, pacs xlílat.

⁴Nimpala chatum ti anán pala ni lacapecuanian sampi huix Quimpuchinacán huanti quililakataquilhputatcán. Xman huix miacstu lápat huanti xliçana xasantujlani, chu akstitum mintalacapistacni. Huachá xpalacata xlipacs lantla xliçatlanca xala catuxáhuat naminkoyán lakataquilhputakoyán, sampi xlipacs tachixcuhuítat ucxilhkönit lantla akstitum kalhiya mintastacyahu, xahuá milimapaksín.”

⁵Alistalh cucxilhpá c-akapún, chu antá tasiyulh lantla talácuilh xtemplo Dios antani maquikocanit yamā xamacán talaccaxlán huantu Dios xtatlahuakonit xlakskatan israelitas. ⁶Antá c-xtemplo Dios taxtukochi yamā kalhatujun ángeles huanti xliminkoy pulactujun tapatín. Yumá ángeles xlihlakanankonit xatalacsacni, chu luhua laksyokokon lhakat, pacs xla xatlan lino lhakat, chu xlitampachikocanit xlitampachicán xla oro huantu hasta c-xcuxmuncán xchanikoy. ⁷Yamā kalhatiti ángeles huanti tasiyukoy xtachuná lantla lilakatit takalhín, chatum taxtuchá huanti maxquikölh yamā kalhatujun ángeles patunu copa xla oro, antá stap xtajuma xlipacs xtasitziliakastacyahuan Dios huanti caxanilihuayaj xtihua lama. ⁸Chu c-xtemplo Dios akmilij tánulh lhuhua jini huantu xliçana litasiyuy pi tlanca xlatatzucut Dios, chu nimpala chatum ti antá tlan xtánulh huata hasta nilihuayajcú titaxtukonit nahuán yamā tipatujun lactlanca tapatín huantu xliminkoy kalhatujun ángeles.

Patujun copa antani xtajumakó pulactujun tapatín

16 Caj lipunchú ckáxmatli pi taxtuchi aktum pixtlanca

tachihuín c-xtemplo Dios, chu chuná xuanimakó yamā kalhatujun ángeles: “Lacapala capimpítit, chu antá catiyatna caquiakxtakamakántit tamā lactlanca tapatín xla xtasitziliakastacyahuan Dios huantu tajumakó c-patunu copas huantu Dios lakmacamakó tachixcuhiútat.”

²Tálh xakasiya ángel, chu antá catiyatna quiakxtakamakálh huantu xtajuma c-xcopa; chu xlipacs yamā huanti xtamastakonit calhcahuilínikoca xtucuhuiní yamā makáklhana lapanit chixcú, chu huanti xlakataquilhputakonit xatatlahuamakxtu, taxtunikochi aktum lixcajnít tzitzi, huantu lipecua xcatzán.

³Mimpalachá xlichatuy ángel, xlá na chuná akxtakamakálh huantu xtajuma c-xcopa c-takayahuaná, na xlipacs chúchut xala c-takayahuaná kalhni tihuankolh, xtachuná xtasiyuy la xkalhni chatum chixcú huanti acu maknicanit, chu pacs tinikolh tu stacnantajumakó c-takayahuaná.

⁴Xlikalhatutu ángel akxtakamakálh huantu xtajuma c-xcopa c-chuchut xala c-takayahuaná, xahuá xala c-xlipacs taxtunú, chu chúchut xala c-xlipacs kalhtuchoko, chu xala c-xlipacs puxka, usu taxtunú, chu pacs kalhni tihuankolh. ⁵Chanchu na acxnitiya ckáxmatli pi yamā ángel huanti maktakalhoy xlipacs chúchut chuná huá:

“Quimpuchinacán, xman huix miacstu lápat huanti xlicana xasantujlani, chu akstítum mintalacapastacni, xlicana pi luhua xliát lantla huix chuná macapinikoya huanti mininikoy napatinankoy, hasta lantlata xamakan quilhtamacú huix ucxla xasantujlani lápat, chu xlipaán lápat nahuán.

⁶Chuná mininikoy lantla mapatinipakó sampi xlacán na

chuná mapatinikonit, chu hasta maknikonit

yamā huanti lipahuankoyán, chu milakskatan litaxtukonit, na chuná tlahuanikolh yamā profetas huanti xliakchiuinankoyán.

Pus hua chu huix na chuná limapatinipakó, chu maucxilhnipakó lhuhua kalhni. iXlicana pi luhua chuná mininikoy!”

⁷Na ctikáxmatli pi minchá tachihuín c-xapucxtilahuan altar huantu yá c-xtemplo Dios huantu huí c-akapún, chuná xquilhuamaca: “Quimpuchinacán, xlicana pi huix Dios huanti tlanca xlatatzúcut, chu xpuchina pacs lantla tu anán, xlicana pi luhua talulóktat, chu xliát lantla akstítum natatlahuakoya cuenta huanti makalipuhuankonitán.”

⁸Chanchu mimpalachá xlikalhatati ángel, chu c-xlacan chichiní akxtakamakálh huantu xtajuma c-xcopa; pus yamā chichiní kálhlih litlihuaka namachichikoy, chu hasta naaclhcuyukoy huanti xala catiyatna.

⁹Chanchu xlipacs chixcuhiín lixcájnít tasiyukolh lantla chichinkolh, huampi masqui chuná akspulakolh, xlacán nimpala tzinú xlipuhuankolh, chu nimpala huá tzúculh lilakataquilhputakoy Dios, huata caj calahuá, chu lalixcajnít tachihuín tzúculh limaxcajuanamakó. Dios huanti tlan mapaksikoy yuma tapatín huantu mima.

¹⁰Chanchu xlikalhaquitizis ángel, akxtakamakálh huantu xtajuma c-xcopa antani xuí xpumapaksín yamā makáklhana lapanit chixcú, chu xlipacs antani xlá xmapaksinán catapakltútílh. Pacs huanti antá xmapaksikoy hasta tzucukolh lacxcakoy csimakatcán caj lantla lipecua xcatzanajuanamakó. ¹¹Huampi nimpala huá limakaxtakolh pi nialh

natlahuakoy huantū līxcájnit, huata caj xpālacata xtacatzanajuatcán huantū xmakcatzīmákó, līxcájnit tzucukōlh māxcajualīkoy Dios huantī huilachá c-akapún.

¹² Alīstālh acxnī xlikalhachāxan ángel akxtakamákālh huantū xtajuma c-xcopā c-xakaltūchokō huantū huanicán Eufrates, yamā chūchut xala c-kalhtūchokō tīscacī laquīmpī antā tlan nalactlahuankoy yamā lactlanca napuxcún huantī xtaktukonītanchā antānī pulhachā chichinī. ¹³ Alīstālh cúcxilhī pī c-xquilhni yamā tlanca tzutzoko dragón luhua, xahuā c-xquilhni makākhana lapanīt chixcū, chū c-xquilhni yamā aksanīna profeta taxtukochī pulactutu laclīxcajnit spīritu, luhua xtachunā xtasiyukoy la chíchak. ¹⁴ Yumā laclīxcajnit spīritu pacs huā xtapaksinīkōY aksahuinī, chū xlā māxquīkōlh līlīhuakā laquīmpī natlahuakoy lactlanca līcācni tatlahu huantū nalīmālacatzuhūikoy tachixcuhuītāt, chū laquīmpī namāmacxtumīkoy xlipacs lactlanca puxcunanīn reyes xala catuxāhuat sāmī laxtum natāḷtalahuakoy yamā tlanca xlacatzucut quīDioscān, acxnī xlā namālakchānīy quilhtamacū lantla naakastacyahuakoy tachixcuhuītāt.

¹⁵ Milīlacapastacatcān pī Quimpuchinacan Jesús maktum chunā huā: “Skālāh catahuilātīt sāmī quit naccālakminān acxnī nī līcatzīhuilātīt nahuān, xtachunā lantla līcatzīy chātum kalhānā. Luhua canā līpaxuhu yamā huantī skālāh maktakālh mā xhākāt laquīmpī tlan tuncān nahuiliy acxnī nacmīn, chū nī namāxanān lantla tī nī kalhiy xhākāt, chū mākhlpupulu nacmānoklhuy acxnī nacmīn.”

¹⁶ Yamā laclīxcajnit spīritu māmacxtumīkōlh xlipacs lactlanca māpaksinanīn xala catuxāhuat lacatum antānī huanicān c-xtachihuīn hebreo Armagedón.

¹⁷ Xlikāhatujun ángel akxtakamákālh tū xtajuma c-xcopā caunīn, chū antā c-xtemplo Dios xala c-akapún, antānī huī c-xlactahuīlh māpaksinā, taxtuchā aktum pixtlanca tachihuīn huantū chunā xquilhuamā: “iChū aya pacs kantaxtukōlh huantū xtalhcatahuilanīt!” ¹⁸ Acxnitiyā līpecuā tzúculh maklipa, tzúculh macasānān, chū līpecuā tzúculh jiliy, chū xlicatlanca catuxāhuat tachīquilh, līpecuā laktzankānalh, niucxnicū xalaktzankānān xlitlanca chunā lantla laktzankānalh hasta lantla huilacā catuxāhuat. ¹⁹ Chānchū yamā tlanca cāchiquīn huanicān Babilonia pūmakatutu tilāclālh lantla titapītzilh, chū lactlanca cāchiquīn huantū huilakō c-xlicatlanca catuxāhuat talakpaklhtayakōlh. Acxnicu māxokōnīkōlh Dios xtalākālhincān tī huilakō yamā tlanca cāchiquīn Babilonia, entonces limākotnīkōlh yamā xaxūn chūchut xla tapātīn huantū xlaccaxtlahuanīkōnīt huantī antā xuilakō caj xpālacata pī līpecuā xmakasītzīkōnīt. ²⁰ Nā xlipacs tilaktzānkālīh islas tū limācstuca chūchut laktzankākōlh, nā chunā cākastīnīn, pacs tilakspūtōlh. ²¹ Chū nā tzúculh tāctayachī c-akapún lactlanca chíjīt huantū xtzincān tīpuxam kilo akatunu, huāmpī chixcuhuīn xala catuxāhuat, nīmpala chunā līlīpuhuankōlh xtalākālhincān, huata caj līhuacā sītzīkōlh, chū laclīxcajnit tachihuīn tzúculh līmāxcajualīkoy Dios xpālacata lantla līpecuā xlipatīnamākō yamā chíjīt.

Cāchiquīn Babilonia xtachunā xlitaxtuy la chātum lakahuīti puscāt

17 Lantla xlikāhatujuncan ángel huantī xchipakōnīt patunu copas, quilákmilīh chātum, chū chunā quihuānīlh: “Lacapala catat laquīmpī nacmāsiyuniyān yamā

tlanca tapatín huantu nalakhchán yama aktzankatayani puscát huanti caj huí c-xokspun xlipacs takayahuaná tu huí catuxáhuat. ²Xlipacs lactlanca mapaksinanín xala catuxáhuat pacs tatlahuakonit talakalhín, chu xlipacs ti lamakó catiyatná na chuna tlahuakonit huantu xlá lixcájnít tlahuay, xahuachí likotnankonit xamaaktzankana xcuchu huantu xlá mastay hasta xtachuná likachitamakankonit.” ³Chu lantla cspíritu Dios xquimaucxilhníma, yama ángel quílfyalh hasta c-desierto, antá cúcxilhí chatum puscát huanti xkahui tantum tlanca tzutzoko lapánit. Yuma lapánit xkalhiy aktujun xakxeka, chu kancahu xakalókot, chu c-xlitlanca xmacni xtatzoktahuilanit lacxajua tachiuhín huantu xliacataquimacá Dios. ⁴Yama puscát huanti xkahui lapánit xlihakananit lacuán, chu laklilakatit lhákát xapustapuhua, xahuá xatzutzoko, luhua xkalhiy xlitacaxtay huantu xla oro, xla perlas, chu laklilakatit lakslihua chíhuix. Xchipanit patum copa xla oro antani xtajuma xlipacs huantu likohuanca, chu xcajualat talakalhín huantu limakapaxuhua y xtiyatlihua. ⁵Chu c-xmún xtatzoktahuilanit pulactum tachiuhín huantu tipatuy xuamputún: “Quit Babilonia, yama tlanca cachiquín huanti maxquikoy xaliaktzankan chu xlipacs huantu lixcájnít, chu likohuanca tastacyahu anán catuxáhuat.” ⁶Huampi alistalh ccátzilh pi yama puscát xkachiy, huá xlikachinít xkalhnican xlipacs huanti xlakskatan Dios xmapatinikonit, xahuá xkalhnican yama huanti xmaknikonit caj xpalacata pi lacatancs xlichihuinanankonit Jesús. Acxni cucxilhkölh, quit luhua lanaj clilacahua yama puscát huanti xacucxilhma, sampi nimpala tzinú xacakataksma huantu xuaniputún yama talacahuán. ⁷Huampi ángel quihuánilh: “Ni luhua lanaj

calilacáhuanti huantu úcxilhiti, sampi quit nacmalacatanicansiyán huantu huaniputún tama puscát huanti úcxilhiti, xahuá yama tlanca tzutzoko lapánit huantu kalhiy aktujun xakxeka, chu kancahu xakalókot huantu kahui puscát. ⁸Yama tlanca tzutzoko lapánit huantu huix ucxilhnita, huá litaxtuy chatum huanti xlama xapulana, huampi huá chu nialh tí lama sampi aya ninít, chu antá chu tachín tajuma c-tlanca tzankánat huantu ni kalhiy xtampún, huampi namimpalay catuxáhuat acxni xastacna natakutachá laquimpi nachán antani luhua maktum namalaksputucán. Xlipacs huanti lamakoj nahuán, huanti nitú tatzoktahuilanit xtucuhuinican c-libro xla latámat huantu kalhiy Dios hasta lantla tilacatzúculh catuxáhuat, xlacán luhua lanaj nalilacahuankoy, chu nacacninanikoy acxni naucxilhkoy pi lamapajá yama tlanca makaklhana lapánit chixcú huanti xninít, huampi chu lakastakuananit calinín.

⁹“Luhua cuíntaj catlahua sampi talacasquín luhua liškálalh laquimpi naakataksa huantu nacmalacatanca: Yama aktujun xakxeka makaklhana lapánit chixcú, huá litaxtuy aktujun kastinín antani huí yama puscát; xahuachí na tlan tamalacastucahu yama aktujun akxeka, kalhatujun reyes. ¹⁰Xlipacs yuma kalhatujun reyes, kalhaquitzis aya nikonittá, chatum mapaksinamajcú chuj quilhtamacú, chu xlikalhatujún ni atasiyuy tuncán. Huampi acxni namín xlikalhatujún, tamá ni makas quilhtamacú catimapaksinalh. ¹¹Huá yamá ahuatia rey na huatiyá yama lapánit chixcú huanti xapulana xmapaksinán huampi huanti aya ninít, masqui na huá tatapaksikoy xakalhatujún; xlá alistalh natakaxa laquimpi namimpalay mapaksinán, huampi maktum tu namalaksputucán.

¹²“Yumá kancahu akalókot huantü huix úcxilhti, huá lītaxtukoy kalhacahu reyes huantü nī atzucukoy mapaksinankoy catuxáhuat; huampi nī makas quilhtamacü lantla nakalhikoy limapaksín, chu natamapaksinankoy tlanca makaklhana lapanit chixcú. ¹³Sampi namín quilhtamacü acxni yumá kalhacahu reyes luhua lacxtum nalicatzikey pi namaxquikoy xlipacs xlitlihuakacán, xahuá xlimapaksincán yamá tlanca makaklhana lapanit chixcú laquimpi huata huá namapaksinán. ¹⁴Xlacán natzucukoy lacataquikoy yama huantü lītaxtuy xCalhñilu Dios; huampi xlá namakatljakoy, xahuá xlipacs huantü Dios lacsackonit, chu akstitum latamakonit c-xlacatín; huampi tama xCalhñilu Dios nití catimakatlájalh, sampi xlá huá xpuchinacan xlipacs huantü na puchinanín lītaxtukoy catuxáhuat, chu huá tlanca xreycan huantü na huankoy pi reyes catuxáhuat.”

¹⁵Angel quihuanipá: “Yama lhuhua takayahuaná huantü huix úcxilhti antani caj huí c-xokspun tama aktzankatayani puscá, huá lītaxtuy xlipacs tachixcuhuítat huantü huilakó catuxáhuat, canihua xalanín, chu caxatucahuá tachihuín huantü lichihuínankoy, usu catihua mapaksinanín mapaksikoy. ¹⁶Yamá kankahu akalókot huantü xakasiya úcxilhti c-xakxeka tama lapanit chixcú, xlacán nasitizimakankoy yamá aktzankatayani puscá caj lantla xtasitizicán, namaklhtikoy xlipacs lacsuan xlitacaxtay, chu xamaclhpupulu natamakaxtaka, alistalh natzucukoy lacputxuakoy xtiyatlihua, chu huantü nī nahuakoy nalachcuyuhuilikoy. ¹⁷Huampi Dios chuná lacásquilh, chu na chuná huilikolh c-xtapuhuancán pi acxtum napuhuankoy namacamastakoy xlitlihuakacán, chu xlimapaksincán c-xlacatín yamá tlanca makaklhana lapanit chixcú laquimpi huata huá

namapaksinán la tlanca talipahu rey hasta acxni nalakchán quilhtamacü lantla nakantaxtuy tü lilhcahuiliniñt Dios xpalacatacán. ¹⁸Yamá aktzankatayani puscá huantü huix úcxilhti, huá lītaxtuy yamá tlanca cachiquín antani natapaksikoy xlipacs lactlanca napuxcun reyes ti canihua namapaksinankoy catuxáhuat.”

Lantla nalaktzankay tlanca chuchutsipi Babilonia

18 Alistalh cucxilhpá chatum ángel huantü xtactamachi c-akapún hasta catiyatna; yamá ángel xkalhiy tlanca litlihuaka, xahuá limapaksín, chu xlicatlanca catuxáhuat licamakaxkakakolh xmakaxkakánat tü xkalhiy acxni chilh. ²Chu xlipacs xliakapixtlihuaka chuná xquilhuama: “iAya laktzánkalh! iChu maktum tü laktzánkalh yamá tlanca cachiquín Babilonia! iHuata xman lītaxtunit xputahuilhcan akskahuinín, xputatzeknican xlipacs laclixcajnít spíritu, chu catuhua laclixcajnít takalhín huantü nī liucxilhputu! ³Sampi xlipacs chixcuhuín huantü huilakó c-xlicatlanca catuxáhuat likachitamakankonit xlipacs huantü xlá catziy, chu kalhiy laclixcajnít xtalakalhín. Xlipacs mapaksinanín xala catuxáhuat lacxtum tatlahuakonit talakalhín, chu xlipacs stanánín xala catuxáhuat caj lacapala limatamacunankonit caj xpalacata huantü xlá limakatzankay xtaktzankatayán.” ⁴Alistalh ckaxmatpá aktum tachihuín huantü minchá c-akapún, chu chuná huá: “Lalihuan cataxtútít c-tama cachiquín xlipacs huixín huantü ccalimaxtunitán quilakskatán,

- laquĩmpi nĩ chuná namaktlahuayátit
 xlipacs lixcajnit talakalhín huantu
 antá tlahuamaca,
 chu nĩ natapatiyátit huantu xlacán
 naakspulakoy.
- ⁵ Sampi lipecua lantla
 takstoktahuilanit xtalakalhincán
 hasta chanit c-akapún,
 chu Dios pacs cuñtaj tlahuama
 xlipacs huantu xlixáncjnit
 tlahuamakó.
- ⁶ Tama cachiquín mininiy na huá
 catamakapuspitnit huantu xlá
 nĩtlán maxquikonit amakapitzín,
 maktuy xpalacata calimapatinĩt
 huantu xlá limapatinĩkolh
 amakapitzín,
 na huá copa tũ ticapumahuín
 tũ nĩtlán, na huá capumahuítit
 actuy chuná.
- ⁷ Chuná mininiy namapatiniyátit, chu
 namakatlakajátit,
 xtachuná lantla
 titamacamastanikolh huantu
 nalitlanacatzikoy, chu
 huantu nalimakapaxuhuakoy
 xlatamatcán.
- Sampi c-xnacũ chuná
 xlacapastacmakó:
 ‘Quit cuí unũ c-quimputahuĩl xla
 mapaksiná, chu c-mapaksinanit
 lantla chatum tlanca reina.
 Quit nĩ naquiakxtakmakancán
 xtachuná lantla chatum puscát
 huanti nĩmakancanit, quit
 niucxni tí naquimapatiniy.’
- ⁸ Huachá yumá xpalacata, huatiya
 xman aktum quilhtamacũ putum
 natahuilaniyachi xlipacs xtapatín
 huantu lakchán napatínán:
 pulaná nalakchán tatzíncstat, chu
 tacatzanájuat, alistalh linín,
 chu hasta pacs nalacihcutamay
 c-lhcúyat.
- Sampi tlanca xlacatzúcut yama
 talipahu Dios huanti lĩlhcánit pi
 chuná napatínán.”

⁹ Yama reyes xala catuxáhuat
 huanti lacxtum tatlahuakonit
 laclicajnit talakalhín, chu lacxtum
 lipaxuhuakonit huantu kalhikoy, xlacán
 nalaklipuhuanakoy, chu nalaktasakoy
 acxni naucxilhkoy pi aya tayamachá
 xajini lantla lacihcuymimaca nahuán.
¹⁰ Caj lantla xtapecuacán nĩmpala
 tzinũ catitalacatzuhĩnputunkolh, caj
 xman mákat natayakoyachá, chu chuná
 nahuanakoy:

“iKoxutá huix tlanca talipahu
 cachiquín Babilonia,
 xlicana pi luhua lĩhuhua huantu
 xtapalh tumĩn xkalhiya!
 Huampi caj puntzũ chilh tlanca
 taxokón, chu xtapatín huantu
 maktum malaksputukón.”

¹¹ Na chuná stanánin xala
 c-xlicatlanca catuxáhuat, na
 nalaktasakoy yama tlanca talipahu
 cachiquín caj xpalacata pi nialh
 tí catimaktamáhualh xlistacán
 huantu xlacán kalhikoy. ¹² Tipalĩhuhua
 xlistacán huantu xlenkoy yuma
 tlanca cachiquín, xtachuná oro, plata,
 lacslipua chíhuix, xahuá perlas, chuná
 laklilakátit, chu lactapalaxla lhákát xla
 lino, chu xla seda, tipalĩhuhua colores
 xatzutzoko, xahuá xapustapuhua,
 na chuná tipalĩhuhua xatacuchĩn
 lacmucsun quihui; na chuná lĩhuhua
 lactzũ laklilakatit listat huantu
 litlahuakocanit xalacuan pákĩlat,
 marfil, bronca, licán, xahuá mármol.
¹³ Na chuná xlichancán lĩhuhua
 xalistat canela, xahuá xlipacs huantu
 lacmucsun listat, limajinín, perfumes
 huantu huanicán mirra; xalacuan
 cuchu, aceite, xatlan caxtalasquítit
 xlakstu xla trigo, xahuá xlenkocán
 xalistat takalhĩn namá cahuaryũ,
 tĩntzun, xahuá putlahu, chu hasta na
 xancán stakocán chixcuhuin huanti
 mascujucán xtachuná la tachín. ¹⁴ Caj
 xtalipuhucancán chuná nahuanikoy
 yama tlanca cachiquín:

“iKoxutá huix tlanca, chu līlakatīt
cachiquín,
chu nīālh nakalhiya yamā lakkama,
chu laksaksi xtahuacat quihui
huantū huix luhua xlakatiya!
Xlīcānā pī maktum tū
malaksputunicanīta xlipacs
huantū xkalhiya mililīlakātīt.”

¹⁵ Xlipacs huantī luhua tlan
līmātamacūnīnankonīt caj xpalacata,
sāmpi lūhūa līstāt tū xquīstākōnīt antā
cachiquín, huāmpi chu caj xpalacata
xtapecuacān mākāt lacamintayakoyachā
sāmpi xpuhuankoy pī nā nalakchānkoy
yamā tlanca tapatīn. ¹⁶ Huata chunā
nahuankoy:

“iKoxutá tamā tlanca talīpahu
cachiquín!
Luhua xtachunā xtasiyuy lā chātum
līlakatīt puscat huantī līhuana
xlītacaxtayanīt lacuán, chu
laklīlakātīt, chu tapalaxla lhākat,
chu laklīlakatīt color xapustapuhua,
xahuā xatzutzoko,
chu nā xlītacaxtayanīt
xalactapalaxla xlītacaxtay lā
oro, perlas, xahuā laklīlakatīt
lacslihua chíhuix.

¹⁷ iSāmpi caj xman aktum puntzū
līmālaksputucanīt lantla
xlīlūhūa tamacūn, chu huantū
laklīlakātīt xkalhiy!”

Xlipacs capitān huantī xanapuxcun,
xmatlahuanīnanīn putacutnu,
xahuā huantī caj xpaxīalhnamakō
c-takayahuanā, nā chunā huantī
luhua antā cscujmakō, caj lakamākat
ucxilhkōlh huantū xakspulama
yamā tlanca cachiquín, ¹⁸ chanchū
acxnī ucxilhkōlh pī xtayamachā
xajinī lantla clhcutahuilama yamā
cachiquín, xtalīpuhuacān laktasakōlh,
chu xlipacs xliakapixtlihuakacān
chunā tzúculh huankoy: “Pāxcat
huankōlh yumā tlanca cachiquín, ¿nī
natāksahu aktum lītum cachiquín
huantū xtachunā līlakātīt xuanīt?”

¹⁹ Puschī lantla xlaklipuhuamakō,
tzúculh actahuacakoy tīyat, chu
xliakapixtlihuakacān chunā xuankey:

“iKoxutá yamā tlanca cachiquín,
pāxcat huankōlh!
Sāmpi caj huā xpalacata masqui
luhua matamacūnanīn taxtukōlh
xlipacs yamā xpuchinanīn
putacutnu huantī scujmakō
c-takayahuanā.

iHuāmpi chíyū tamā cachiquín caj
aktum puntzū līlakspukōlh!”

²⁰ Huāmpi xlipacs huixīn ángeles
huantī lapātīt c-akapūn,
caminīniyān nalīpaxuhuayātīt
huantū akspūlalh yumā cachiquín;
nā chunā huixīn huantī
lipāhuanātīt Dios,
xahuā xlipacs huixīn profetas, chu
apóstoles huantī līscujātīt, nā
lacxtum catāpaxuhakōtīt,
sāmpi acxnī Dios malaksputukōlh
yumā cachiquín
huā līmapatīnikōlh caj xpalacata
xlipacs huantū xlā līxcājnit
xcatlahuanīkonītān.

²¹ Nā acxnītiya cúcxilhī chātum
tlihuaka ángel chaxlī aktum
tlanca chíhuix xtachunā xachihuix
tlanca pusquiti, chu lhkan mālchalh
c-takayahuanā, chu chunā huā:

“Xtachunā lantla laktzánkālh yumā
chíhuix, nā chunā nalaktzankaya
huix tlanca talīpahu cachiquín
Babilonia, chu nīālh niucxnī
catiucxilhpalaca.

²² Nīālh pala maktum catitakāxmatlī
c-mincatījīn
pala namasānīkocān masqui
catūhua lītīlakna, xtachunā arpa,
līskōlh, xahuā trompeta,
chu xlipacs yamā scujnīn huantī
antā līpaxuhu xtasiyukoy
pī xlatayakoy, nīālh ucxnī
catitasiyukōlh,
nā nīmpala catitakaxmatpā lantla
macahuān pulaksuakan,

huata luhua caj catzilís nacahuán.

- ²³ Xahuachí nialh ucnicú catiucxilhca
cxkakánat pala napasay
limaksko,
na nimpala maktum catitakáxmatli
pala acchilij nalatamacán
chuná lantla xtakaxmata acxni
xtahuilay tapaxuhuán c-aktum
putapuchuhu,
masqui xlicana xlipacs stanán
huanti antá xuilakó cachiquín
luhua matamacunán, chu
lactalpahu chixcuhuín
xuankonit,
huampi luhua huantu lixcájni
xtlahuakoy, xliakskahuikoy
xlipacs huanti xala
amakapitzin cachiquín xala
catuxáhuat laquimpi na chuná
natlahuakoy, chu lacxtum
nataaktzankatayakoy.”

²⁴ Huá chuná limapañinica sampi
huanti xala yuma cachiquín huá lenkoy
cuinta xpalacata stajtamakankonit
xkalhnican luhua profetas, xahuá
huanti mmaxquikonit xlatamatcán
Dios, xahuá luhua xcanajlanin huanti
makniqocanit lantla xlicatlanca
catuxáhuat.

19 Alistalh ckáxmatli c-akapún pi
luhua lilihuua huanti pixtlanca
tachihuín chuná xquilhuamakó:

“iPaxcatcatzínih Quimpuchinacan
Dios,
sampi xman huá xlá tlan
quincamaakaputaxtiyán, xman
huá mininiy nalimatlanquiyahu
caj xpalacata tlanca caci, chu
litlihuaka tu kalhiy!

- ² Xahuachí xman huá Dios
huanti luhua lacatitum, chu
xlílat naakastacyahuakoy
tachixcuhuítat xpalacata
xtalakalhincán;
pus na luhua xlílat lantla
putzananit, chu lilhcanit lantla
namaxokonicán xpalacata

xtalakalhín yama tlanca
cachiquín Babilonia,
huantu xtachuná litaxtuy lantla
chatum aktzankatayani puscát,
xlá matlahuikolh talakalhín
amakapitzin, chu chuná
maktzankakolh;
na acxni Dios namapañiniy,
chuná nalimaxokoniñ nítlan
tu tlhuanikonit xlipacs huanti
cscujnanimakó Dios.”

³ Alistalh yama lilihuua ti
xacucxilhmakó c-akapún chuná
huampá:

“iPaxcatcatzínih Dios!
Pi caxanilihuayaj quilhtamacú
yama xajini lantla lachcutahuí
tama cachiquín xaliñkalkhín
tatalhmanima nahuán c-akapún.”

⁴ Yama puxamatati lakkolún, xahuá
kalhatati ángeles huanti xtachuná
xtasiyukoy la laklilakati takalhín,
putum lakatatxokostakolh lantla
lakataquilhputakolh Dios huanti xlacui
tlanca xamapaksina putáhuilh. Chanchu
putum chuná xquilhuamakó: “iChuná
calalh, amén! iPaxcatcatzínih Dios!”

⁵ Na minchá aktum tachihuín antani
xuí tlanca xamapaksina lactáhuilh, chu
chuná huá:

“iCaxanilihuayá camaxquítit caci
quiDioscán,
xlipacs huixín tachixcuhuítat,
masqui huanti lilakaputza
tasiyukoy, chu huanti talipahu
limaxtucán,
lantla milipacscán huixín huanti
xcacninaniyátit, chu cscujniyátit
c-milatamatcán!”

**C-xaputapaxuhuán
xputapuchuhuani xCalhñilu Dios**

⁶ Alistalh ckáxmatli xtachuná
lampala lilihuua ti xchihuinamakó,
xtachuná xtakaxmata lantla acxni
macasanán luhua chúchut lantla
tactayachi antani xuástat, usu xtachuná

lantla lipecua jiliyachá, chu chuná
xuan koy:

“iCapaxcatcatzinihu

Quimpuchinacan!

Sampí yama tlanca talípahu, chu
tlanca xquilhtzucut quiDioscán
chu aya tzucunít mapaksínán.

⁷ Quin xlipacs quincacacán
quincamininiyán

napaxuhuayahu,
chu namaxquiyahu cacni,
sampí chu aya lakchanít
quilhtamacú

acxní xCalhniú Dios huantí xókolh
xpalacata quintalálalhincán
natapuchuhay.

Chu xtasquín, lilakátit, chu xaslipua
lantla litacaxtayanít clhákat.

⁸ Maxquicanít tamá snapapa lino
lhákat, huá litaxtuy huantu
akstítum latámāt

lantla latamakonít xlipacs huantí
Dios limaxtukonít xlakskatán.”

⁹ Chanchu quihuánihl ángel:

“Catzoktí tū nakaxpata: ‘Luhua
caná chapaxuhuaná lamakó
huantí lilacsackocanít pi
naankoy makpasucajnankoy, chu
namakpaxuhuakoy c-xputapuchuhuani
Cristo huantí litaxtuy xCalhniú Dios.’ ”
Xlá quihuanipá: “Yumá huá cuanimán
xatalulóktat xtachihuín Dios.” ¹⁰ Chanchu
quit ctilakatatokóstalh c-xtuhuan
ángel laquimpí naclakataquilhputay,
huampi xlá chuná quihuánihl: “Ní
clacasquín naquilakataquilhputaya,
sampí quit ní Dios, quit caj catihua
xlaescujni Dios xtachuná lantla huix,
xahuá amakapitzín huantí lipahuankoy
Dios, chu akstítum canajlanikonít
xtachihuín Jesús. Huata caj xman
huá calakataquilhputa Dios. Xlipacs
huantu clíchihiuinanít, chu tū
líchihuiunankolh xamakan profetas
xman huá clíchihiuinana hu laquimpí
nacmacatzininanahu xpalacata yama
chatum chixcu Jesús.”

Chatum tlanca macahuayujnú xkahui snapapa cahuayu

¹¹ Alistalh cúcxilhli pí xlacquiy
akapún, chu cúcxilhli pí antá taxtuchi
tantum snapapa cahuayu, chu huantí
xkahui yama cahuayu xuanicán
Xatalípahu tī xman huá huan huantu
talulóktat; sampí xlá luhua akstítum
tū tlahuay acxní huiliy xlimapaksín,
chu na chuná acxní tatlahuakoy guerra
xlipacs huantí csitzinikoy. ¹² Yumá
chixcú lipecua xlakaskoy xlakastapu
xtachuná lantla lhcúyat, chu c-xakxeka
xacuí aklhuhua corona, chu antá
xtalhcanít aktum tucuhuiní huantu
nimpala chatum tī xlapapasa, caj xman
huá xacstu xcatziy tū huaniputún.
¹³ Chu na lhuhua kalhni xpasanít
xlhákat tū xlhakanít; chinchu pacs huá
xlimapacuhucán pí huá Xtachihuín
Dios. ¹⁴ Huanchú tī cstalanitilhakoy
kamputum lhuhua ángeles xala
c-akapún, pacs huá Xlilhakanankonít
xasnapapa lino lhákat, chu
pacs xalaksnapapan cahuayu
xkahuilakó. ¹⁵ Chinchu c-xquilhni
xtaxtuninítanchi aktum xastacaca
espada huantu nalimakatlajakoy
xlipacs tī tapaksinikoy xlipacs
lactlanca cachiquinín xala
catuxáhuat. Acxní namapaksínán
tlihuaka nahuiliy xlimapaksín, acxní
xlá namakalhapalikoy xpalacata
xcuentajcán huantu tlahuakonít,
xtachuná natlahuakoy lantla tlahuay
chatum acxní tzucuy lilakchitá xtantun
xachan uvas laquimpí nataxtuniy
xchúchut, chu xlá limakotnínán
yama xchuchut uvas, huá yumá
limasiyuputunkoy lantla lipecua
tapatín huantu macamimaj nahuán
Dios caj xpalacatacán huantí
makasitzikonít. ¹⁶ Yumá huantí xkahui
xasnapapa cahuayu, xlhákat huantu
xlilhakananít, xahuá c-xakhtantún
xtatzoktahuilanít xtucuhuiní huantu

namá xuan: “Huá yuma tlanca xapuxcu rey, nī xahua xamakapitzīn reyes huānti mapaksinankoy catuxáhuat, sampi huá xpuchinacan xlipacs amakapitzīn huānti puhuankoy pī nā lactlanca puchinanīn catuxáhuat.”

¹⁷ Alistalh cúcxilhli chatum ángel huānti xokspuya chichiní, chu xliakapixtlihuaka chuná xquilhanimakó xlipacs yama laclixcajnīt spun huāntu xuananīn pucsnu, xtachuná lantla chun, xahuá makapitzīn huāntu koskoy caunín, chu chuná xuanimakó: “Calacapalátit, macxtum catántit, catalacatzuhuítit, chu pacs namakuayátit yama llihuat huantu Dios calikalhimán yuma quilhtamacú, ¹⁸laquimpī nalihuayanátit xtiyatlihuacan yama lactlanca mapaksinanīn xala catuxáhuat, xahuá xanapuxcun tropa, chu lactlanca laclucu chixcuhuín, nā chuná xalihuay cahuyū, xahuá xmalananīn, tipalhuhua tiyatlihua nalihuayanátit masqui huānti xatastan, chu huānti nī xatastan xlama; chuná huānti caj xachunatá, chu tī kalhiy xlakasi.”

¹⁹ Alistalh cúcxilhli yama tlanca makaklhana lapanīt chixcú, xahuá xlipacs reyes huānti mapaksinankoy catuxáhuat, macxtum xliminkonīt xtropacán laquimpī putum natalalacataquikoy, chu natalatlahuakoy yama huānti xkahuī snapapa cahuyū, xahuá huānti lipahuankoy, chu macxtum cstalanimakó. ²⁰ Huāmpī yama tlanca makaklhana lapanīt chixcú chipaca, xahuá yama aksanina profeta huānti xtlahuakonīt lactlanca ličacni tatlahu c-xlacatīn yama lapanīt chixcú, caj huá xpālacata yama lactlanca ličacni tatlahu huāntu tlan xtlahuay yama aksanina profeta, huá tlan liakskahuimikolh huānti tamastakolh calhcahuilīnikoča c-xmuncán xtucuhuini yama lapanīt chixcú,

chu lakataquilhpatakolh huāntu caj xtlahuamakxtucanīt xpúxoko. Acxnitiya yama lapanīt chixcú, chu yama aksanina profeta xastacná tamakajukoča c-takayahuaná tū pacs azufre xtatlahuacanīt tū laclhcuma.

²¹ Chinchu huá amakapitzīn huānti huá xlakataquilhpatakoy, xlacán huá limaknikoča espada huāntu xtaxtunītanchi c-xquilhni yama tī xkahuī snapapa cahuyū, chanchu xlipacs takalhīn, chu spun huāntu lihuayankoy pucsnu, tlan līlakolh, chu līkalhkaskolh xtiyatlihuacan xlipacs huānti nīkolh.

**Xlipacs aktum mīlh cata
akskahuinī lakachinucán
laquimpī nialh naakskahuinán**

20 Alistalh cúcxilhli chatum ángel pī xtactamachi c-akapún, xlá xlimima xallave yama pulhman tzankánat xtachuná la pozo huāntu nī kalhiy xtampún, chu makatu xmacán xlichipatilhay kantum chatlanca cadena. ² Yuma ángel chípalh yama tlanca tzutzoko dragón luhua huānti hasta xamakan quilhtamacú xlama, huatiyá yama huānti huanicán akskahuinī, chu luhua tlan lichihuilīlh cadena, chu chuná līlhcalh pī natachitahuilay aktum mīlh cata. ³ Antá chu titamakájulh yama pulhman c-tzankánat huāntu nī kalhiy xtampún, antá chíjulh, chu c-xamalaccha yama pulhman tzankánat malacchuhuánilh laquimpī nīti namalacqui, chu nī nataxtuy laquimpī nialh naakskahuimikoy huānti xala catuxáhuat hasta naquitakatziy aktum mīlh cata lantla līlhcahuilīcanīt. Acxnī natītaxtukoy yuma quilhtamacú huāntu līlhcahuilīcanīt, acxnīcu namaxquicán talacasquín pī cataxtupá calakuán yama akskahuinī, huāmpī nī luhua makas quilhtamacú.

⁴ Alistalh cúcxilhli akluhua lacuan xlactahuilh mapaksinā,

antá xuilakó lhuhua yamá huantí
 xmaꝑquikocaniṭ lĩmapaksĩn
 laquĩmpi namapaksĩnankoy, chu
 namakalhapalinankoy xtachuná lantla
 jueces. Na cúcxilhĩ xlistacnacan yamá
 huantí xpĩxcactikocaniṭ xakxekacán,
 chu maknikocá caj xpalacata akstĩtum
 xlichihuĩnankoy, chu xmakantaxtimakó
 huantu tiquĩmasiyuchi Jesús,
 chu maakahuanĩkolh xtachihuĩn
 Dios. Yumá chixcuhuĩn niucxni
 tilakataquilhputakolh yamá tlanca
 lapanĩt chixcú, chu nĩmpala
 lakataquilhputakolh xpúxoko tũ caj
 xtlahuamakxtucaniṭ, xahuachĩ xlacán
 nĩ tamastakolh namulhcahuilĩkocán
 xtucuhuini yamá lapanĩt chixcú.
 Quit cúcxilhĩ pi xlistacnacan yuma
 chixcuhuĩn lakastakuanankolh, chu
 chunatiyá stacnampalakolh xtachuná
 lantla xapulh, chu aktum mĩlh
 cata tamapaksĩnankolh Cristo. ⁵Hua
 yumá huantu huanicán xakasiyay
 talakastakuán, sampi huá amakapitzĩn
 huantí na aya xniṭoniṭ, xlacán nĩ
 lakastakuanankolh yamá quilhtamacú,
 hasta acxnicu takátzĩlh aktum
 mĩlh cata. ⁶iLuhua cana lipaxuhu
 quĩtaxtunikoy yamá xlakskatan Dios
 huantí nalakastakuanankoy acxni yuma
 xakasiyay talakastakuán! Sampi xlacán
 nĩalh catimakatzĩkolh yamá lipecua
 tapatĩn c-pupatĩn huantu huanicán
 xlimaktuy linĩn huantu nalakchankoy
 huantí alĩstalh nalakastakuanankoy.
 Huata xlacán nalĩtaxtukoy xtachuná
 palijni huantí xman huá nascujnanikoy
 Dios, xahuá Cristo, chu xlacán lacxtum
 natamapaksĩnankoy yamá aktum mĩlh
 cata huantu xlá lĩlhcahuilĩniṭ.

**Makatlajacán akskahuiní,
 chu macancán c-pupatĩn**

⁷Pus acxni chu tĩtaxtukoniṭ nahuán
 yamá aktum mĩlh cata huantu
 lĩlhcahuilĩcaniṭ, yamá akskahuinĩ
 namaxquicán quilhtamacú catáxtulh

c-tzankánat antani xchihuilĩcaniṭ.
⁸Acxni xlá nataxtuy natzucupalay
 akskahuimĩkoy huantí lamakó lantla
 xlicatlanca catuxáhuat. Hasta antá
 naán akskahuimĩkoy huantí lamakochá
 c-xatiyat huanicán Gog, xahuá
 c-xatiyat huanicán Magog. Xlacán
 namamacxtumĩkoy xlipacs xtropajcán
 hasta nĩalh tĩ caticátzilh lantla
 xliłhhuacán, xtachuná xalhuhua
 nahuán lantla cucu xala c-xquilhtun
 pupunú nĩma nĩ lay putlakakocán
 akastunu. Chuná natamakstokkoy
 laquĩmpi naankoy c-putalatlahu.

⁹Xlacán naakchĩpanankoy
 c-xlicatlanca yamá tĩyat antani
 nachankoy, chu nastilihuilĩkoy
 yamá xacachiquĩn Jerusalén tũ
 luhua lakcatzanĩt Dios, hasta antá
 c-xpulacni tamakstokkonĩt nahuán
 huantí tapaksĩnikoy. Huampi Dios
 nĩ maxquĩkoy talacasquĩn, huata
 namacaminachá lhcúyat c-akapún,
 chu putum yamá tropa nalhcukoy.
¹⁰Chanchu akskahuinĩ huantí
 xmaꝑpuhuanĩnikoniṭ, sampi huá
 xakskahuikoniṭ, xlá antá namacancán
 c-tlanca lhcúyat antani xaliñkahlĩn
 pasama nahuán azufre, na antiya yamá
 nĩ mujukocaniṭ nahuán yamá tlanca
 makaklhana lapanĩt chixcú, xahuá
 yamá aksanina profeta. Tantacú,
 tantascacá antá patinámaj nahuán
 hasta caxanilĩhuayaj xtihua.

**Acxni ahuatiyá tatlahuakocán
 cuentá tachixcuhuĩtat**

¹¹Alĩstalh cúcxilhĩ aktum tlanca
 snapapa xlachtahuilh mapaksiná, na
 cúcxilhĩ huantí xlacuĩ. Chu lantla
 xaclakama antani xlá xuí, cúcxilhĩ pi
 caj xamaktum lakspukolh tĩyat, xahuá
 akapún, chu nĩalh tú tasíyulh, lampala
 nĩtú xanán c-xlacatĩn. ¹²Huata caj
 xman cucxilhkolh xlipacs huantí aya
 xniṭoniṭ, lactzú, chu lactlanca, antá
 putum xyakó c-xlacatĩn yamá tlanca

xlactahuilh mapaksíná. Nā acxnitiya malakapitzikōca libros, xahuá mactum litum yamā libro xla latámat antāni tzoknyūqōcanit xlipacs huānti kalhikoy yamā xatalulóktat latámat huāntu niucxni nalakspūta. Xlipacs ninín chatunu chatunu namākalhapalikōcān, chū namāxokōnikōcān xlipacs huāntu tlahuakōnit lapī tlan, usu nītlān, xtachunā lantla xtalhcatahuilanit c-libro. ¹³Takayahuanā putum macamastakōlh xlipacs huānti antā xnikōnit, nā chunā catiyatna, putum macamastakōlh huānti antā xnikōnit, chū chatunu chatunu makalhapalikōca xtachunā lantla xmininikoy, chū huāntu huan c-libro xtlahuakōnit. ¹⁴Alīstalh acxni xpuchina calīnīn maklhtikōca litlihuakā huāntu xkalhiy, nā antā lhkan macāncā c-tlanca lhcúyat. Hua yumā tlanca lhcúyat antāni macānqōca ninín huānti xlipatīnatcān, huatīyā tu huanicān xlmaktuy linīn. ¹⁵Chū antā putum macānqōca xlipacs huānti nītū xtatzoktahuilanit xtucuhuicān yamā mactum libro xla latámat huāntu huī c-akapūn.

Xasasti akapūn, chū xasasti catiyatna

21 Acxni chunā xakspulakōnit, alīstalh cúcxilhī aktum xasasti akapūn, chū xasasti tīyat; sāmipi yamā xakasiya akapūn, chū tu xakasiya catiyatna, aya xlakspukōnit, nā chunā takayahuanā. ²Nā acxnitiya cúcxilhī yamā cāchiquín huāntu Dios luhua xlicāna xpaxquiy, chū csiculanatlahuanit, huā yamā xasasti Jerusalén huāntu xtactamāchī c-akapūn antāni huī Dios. Yumā xasasti cāchiquín lihuana xtacaxtayānit xtachunā lantla chatum tzumāt huānti natapuchuhuay, laquimpī luhua līlakātīt naucxilhā xlitatahuīlat. ³Xamaktum ckáxmatlī aktum tachihuín huāntu taxtuchī c-tlanca xlactahuilh mapaksíná, huāntu chunā huā: “Xlicāna

pī lantla naán quilhtamacū Dios lámaj nahuán c-xlakstipāncan tachixcuhiūtat. Xlipān talamākoj nahuán sāmipi xlakskatān nalimāxtukoy huānti luhua napāxquikoy, chū Dios mān lacxtum talamākoj nahuán sāmipi huā luhua xatalulóktat xDioscān. ⁴Xlā nalakpīxacakoy lantla xlakpīxtajmakō xpālacata huāntu xlitāsamakō, chū nīalh ucxni catinīkōlh, nīmpala tī catilipuhua, nīalh tū catilipatinankōlh, pala tacatzanājuat, sāmipi huāntu xakasiya xkalhikoy xlatamatcān, aya pacs lakspukōnit.”

⁵Chīnchū huānti xuí c-xlactahuilh mapaksíná chunā huā: “iQuit pacs cmasastiy xlipacs huāntu chū anán!” Chū chunā huampā: “Pacs catzoktī huāntu nakaxpata, sāmipi hua yumā quintachihuín huāntu kalhiy xtalulóktat, chū tlan cānajlacān.”

⁶Alīstalh chunā quihuānilh: “Chū aya pacs kantaxtukōnit huāntu xacilīhcahuilīnit. Quit yamā huānti huanicān Alfa, xahuā Omega, huamputún pī xāliankalhīn quilhtamacū clama, xtachunā lantla c-xquilhtzūcut, nā chunā c-xlikatsputni. Huānti kalhputīma, caquilākmilh laquimpī quit naclimākotnīy yamā chúchut huāntu tajuma c-taxtunū huāntu māstay xatalulóktat latámat, huāntu caj chunatā, nī taxokoy. ⁷Xlipacs huānti natāyanikoy, chū xlipān akstītum naquilīpahauankoy, putum yumā namaklhtīnankoy huāntu lakchānkoy, xahuachī quit xDios nacuán, chū quilakskatān naclimāxtukoy huānti luhua nacpaxquikoy. ⁸Huāmpī huānti caj xapēcuaxnīn, nī luhua quilīpahauankoy, huānti xaquīlhcata, xahuā maktīnanīn, huānti lakatīkoy xakatīy tánuj lacchājān masqui huīlakō xpuscatcān, xahuā huānti lakatīkoy tascuahuán, nā chunā huānti lakataquilhputakoy tu caj tatlahuamakxtu, xahuā huānti

lakatikoy aksaninankoy, putum yumá namacankocán c-tlanca lhcúyat antani xalíankalhiná lakpasámaj nahuán azufre, huachá huanicán xlimaktuy linín.”

Aktum xasasti Jerusalén

⁹ Alistalhcucxilhkölh yama kalhatujun ángeles huanti xchipakonit patunu copas antani xtajumakó ahuatia yama pulactujun lipecua tapatín, chu quilákmilh chatum, chu chuná quihuánilh: “Calacapala, unú catat laquimpí nacmasiyuniyán yama lilakatit tzumát litatahuílat huanti xpuscat natlahuay xCalhniñu Dios.” ¹⁰ Na caj c-quintalakapalajuán ccátzilh pi yama ángel quilíyalh mákat c-aktum tlanca kastín, chu antá quimasiyúnilh xatasiculanaťlahu, chu xasasti tlanca chuchutsipij Jerusalén huantu xtactamachi c-akapún antani huí Dios. ¹¹ Yama tlanca cachiquín xlimacstuca xmakaxkakanat Dios, xlakskoy xtachuná lantla aktum tapalaxla chíhuix, usu lantla yama lilakatit chíhuix huantu huanicán jaspe, chu luhua slipua xuanit xtachuná chahuán. ¹² Na xlikalhtlanca yama cachiquín lihuana xlistilihuilicanit tlanca, chu talhman pátzaps, huampi xkalhiy akcutuy xamálaccha, chu lantla c-akatunu málaccha xmaktakalhnama chatum ángel, xahuachi c-akatunu xaquilhín xtatzoktahuilaniť xtucuhuinican xquilhtzucut kalhacutuy xlakskatan xamakan Israel. ¹³ Aktutu málaccha xyá c-xtalacaxtum antani xlipulhni chichiní, na aktutu málaccha xyá antani xlikotanún, c-xtalacaxtum sur na aktutu málaccha xkalhiy, chu na chuná aktutu málaccha c-xtalacaxtum norte. ¹⁴ Yuma tlanca, chu talhman pátzaps huantu xlistilihuilicanit cachiquín xkalhiy xtankaxeka xla akcutuy lactitlanca chíhuix antani xlakchipayahuanit, chu

c-akatunu chíhuix antani xtatzoknit xtucuhuinican yama kalhacutuy xapóstoles xCalhniñu Dios.

¹⁵ Yama ángel huanti xquixakatliṃa, xchipatilhay kantum lhman lasasa lihca huantu pacs xla oro, laquimpí huá nalilhca y lantla xlitlanca kalhiy yama cachiquín, xahuá xamálaccha, chu na chuná xlikalhtlanca xapatzaps huantu listilihuilicanit. ¹⁶ Hua yama cachiquín caj statijua xuanit; lantla xlihmán na chuná xkalhiy xlititlanca. Angel tzúculh lhcay yama cachiquín, chu chuná taxtuchá xtalhcán: aktuy mih aktuy ciento kilómetro tiáčchalh, acxtum chuná lantla xlihmán, chu lantla xlititlanca, na acxtum xlikalhtalhman. ¹⁷ Alistalh tzúculh lhcay yama tlanca xapatzaps huantu xlistilihuilicanit; chu chuná taxtuchá xtalhcán: tutumpuxamaquitzis metro, xtachuná lantla lhcanankoy chixcuhuín xala catuxáhuat, huá lihcalh ángel.

¹⁸ Xapatzaps huantu xlistilihuilicanit yama tlanca cachiquín, huá xlitlahuacanit laklilakatit lacslipua chíhuix huantu huanicán jaspe, chu xlitlanca yama cachiquín pacs xlaklman hua oro xlitlahuacanit, luhua slutonko xtachuna hualhtin.

¹⁹ Hua xatalayahua yama tlanca pátzaps xlimaxanatlicanit tipacutuy laklilakatit lacslipua chíhuix, chu chuná huanikocán: xakasiya chíhuix huanicán jaspe, xliaktuy huanicán zafiro, xliaktutu yama chíhuix huantu huanicán agata, xliaktati huanicán esmeralda; ²⁰ xliakquitzis xkalhiy tu huanicán ónice; xliakchaxán cornalina; xliaktujún crisólito; xliaktzayan berilo; xliaknajatza topacio; xliakcahu crisoprasa; xliancachuitu jacinto, chu xliakcutuy xkalhiy yama chíhuix huantu huanicán amatista. ²¹ Chanchu yama akcutuy xaquilhín, huá xliłaniť yama chíhuix xtachuna xoka huanicán perla, akatunu xman aktum perla

xlilhpitcanit. Chu yamā kantum tlanca tlancaṭi huantu xkalhiy cachiḡuṇ pacs xatlan oro xlitlahuacanit slip skoy xtachunā lantla hualhtin. ²²C-xpūlacni yamā tlanca cachiḡuṇ nī cúcxilhli pala huí xtemplo Dios, usuchí lacatum antani tlan nalakataquilhputacán, sampi yamā Dios huanti tlanca xlatatzúcut, xahuá xCalhñilu huanti xokónalh quimpalacatacán lacaxtum xlitlanca cachiḡuṇ litaxtuy xtemplojcán antani tlan lakataquilhputakocán. ²³Yamā tlanca cachiḡuṇ nī maclacasquín pala chichiní, usu papá laquimpi namakaxkakánan, sampi Dios limakaxkakánanima tlanca xmakaxkakánat huantu kalhiy, chu huā xlimaksko huantu maclacasquín huā litaxtuy xCalhñilu Dios. ²⁴Xlipacs huanti huilakó xlicatlanca catuxáhuat tlan nalilatamakoy xmakaxkakánat yamā tlanca cachiḡuṇ, chu xlipacs lactlanca mapaksinanin reyes xala catuxáhuat naliminkoy, chu antá namacamastakoy huantu kalhikoy xtamacuncán la xlicaxtlahuancán. ²⁵Xamalaccha yamā tlanca cachiḡuṇ niucxni catitalcachúhualh cacuhuiní, xahuachí antá niucxni catiánalh tziśnī. ²⁶Pacs huā namacamaxquikocán xalixactlahuán, xlipacs huantu xtapalh tumín, xahuá xlipacs huantu lilakátit kalhiy catuxáhuat. ²⁷Huampi antá niucxni catitanuchá huantu lixcájnī, na nimpala huanti tlahuakoy xlipacs huantu nī liucxilhputu, usu huanti nahuán takšanín. Caj xman huā natanukoyachá yamá huanti tatzoktahuilakonit xtucuhuincán c-libro xla latámat huantu kalhiy xCalhñilu Dios.

22 Yamā ángel quimasiyúnilh kantum kalhtuchokó antani xamā stalanka chúchut huantu mastay xatalulótkat latámat, stalanka xlakxkakay xtachunā hualhtin, chu antá xtaxtumachi c-tlanca

xlactahuilh mapaksiná antani xuí Dios, xahuá xCalhñilu huanti xokónalh quimpalacatacán. ²Antá xan c-xlaquitat xatlancati huantu c-xítat xtiyaputaxtuy yamā cachiḡuṇ; antá chu c-xlakaputuy kalhtuchoko, titum cstacmakó quihui huantu huanicán quihui huantu mastay xaxlicana latámat, yuma quihui mastay xtahuacat akatunu papá, usu makcutuy aktum cata; chu xatuhuán huā limaclacasquincán laquimpi nalicuchikocán xlistacnacan xlipacs huanti lamakó c-xlicatlanca catuxáhuat. ³Yanú c-xcachiḡuṇ Dios nialh tí catiánalh pala Dios xlihuánilh pī nītlán tu tlahuama, sampi nialh catiánalh lakalhinanín. Huampi huata antá hui nahuán yamā tlanca xlactahuilh mapaksiná antani mapaksinámaj nahuán Quintlatican Dios, chu xCalhñilu, xlipacs huanti scujnanimakó pacs lipaxuhu nalakachixcuhuiḡoy. ⁴Xlipacs huanti lipahuankoy luhua man nalacaniucxilhkoy, xahuachí chapaxuhuaṇa namasiyukoy lantla lhcahuilīnikocanit c-xmuncán xtucuhuini Dios huanti tapaksinikoy. ⁵Antá nialh ucxni catitzisualh, chu xlipacs huanti antá huilakó nialh maclacasquinkoy nahuán xmakaxkakánat pumaksko laquimpi nalimaksokoy, na nialh pala chichiní catimaclacasquinkolh, sampi yamā tlanca talipahu Dios huanti Quimpuchinacán namaxquikoy xmakaxkakánat, xahuachí lacxtum namakmapaksinankoy caxanilīhuayaj xtihua.

Aya talacatzuhuiḡa quilhtamacú lantla namimpalay Jesucrsto

⁶Alīstalh yamā ángel chuná quihuánilh: “Xlipacs yuma tachihuín huantu kaxpátpat, luhua kalhiy xcacni, na minīniy nacanajlacán, sampi xlicana huā xtalulótkat. Sampi Quimpuchinacán huanti luhua quidioscán, huanti

maṁquikoy xtalacapastacnī xlipacs profetas laquĩmpī nalīchiḥuĩnankoy, xlá ṁan macaminīt xáŋgel laquĩmpī lacatancs namācatzĩnīkoy xlipacs ḥuānti lipahuanankoy, chū liscujmakó ḥuāntu nī pala makas quilhtamacú nakantaxtuy.”

⁷Namá huan Jesús: “iCana huixín, nialh makas quilhtamacú nacmín!”

iLuhua cana lipaxuhu naquitaxtuniy ḥuānti nacanajlay, chū cuĩntaj natlahuay ḥuāntu Dios macatzinĩnāma, huachá xlipacs ḥuāntu tatzoktahuilanīt unú c-libro!

⁸Quit Juan ḥuānti ṁan ckáxmatli, chū cúcxilhī xlipacs ḥuāntu clīchiḥuĩnāma. Acxnī chū alīstālh cucxilhkolh, chū ckaxmatkolh, clakatatzokóstalh c-xlacatĩn yamā áŋgel ḥuānti chuná xquilĩmalacahuānīnīt laquĩmpī naclakataquilhputay. ⁹Huāmpī huata xlá namá quihuānilh: “Cana huix, nī clacasquín naquilakataquilhputaya, sampī quit nī Dios, quit na caj xlacscujni Dios xtachuná lantla huix, xahuá makapitzĩn minatālan profetas, chū xlipacs ḥuānti tzaksakoy ḥuāntu huan unú c-Līkalhtahuaka. Huá xpalacata clīhuaniyān pī xṁan hua Dios ḥuānti milīlakataquilhputat.”

¹⁰Chuná quihuaniṁá: “Nī caj tzeḱ calīcatzī xlipacs ḥuāntu natzokuiliya xtachiḥuĩn Dios c-milibro, sampī aya talacatzuhuĩmā quilhtamacú lantla nakantaxtuy xlipacs ḥuāntu natzoka.

¹¹Huix nī tajī calīlipúḥuānti ḥuāntu nītlan tlahuakolh amakapitzĩn. Ḥuānti tlahuamā līxcajnit talākahlín, catlahuatamālh lapī chuná lacasquín; ḥuānti catuhuá līxcajuālama, tlak catimāxcajuálih xlatámat; huāmpī ḥuānti tlan catziy, xānkahlín tlan cacátzilh; chū xlipacs ḥuānti maktum macamāxquĩkonīt xlatamatcán Dios, xlacán xalīankahlín akstītum calipahuankolh.”

¹²“Xlīcana pī nī makas quilhtamacú nacmín —huan Jesús—, chū naclīmín

ḥuāntu naclīmāskahuiy chatunu, chuná lantla minīnikoy, lapī akstītum latamakonīt, usu lapī līxcājnit xlamakó c-xlatamatcán. ¹³Quit yamā ḥuānti huanicán Alfa, chū Omega, ḥuānti ucxlata clama, hasta lantlata xquilhtzúcut, xahuá xlikatsputni, ḥuānti xakasiya, chū tī ahuatiyá.”

¹⁴Chapaxuhuaṁā lamakó ḥuānti chakakoy, chū makalhtaxtīkoy xlhakācán laquĩmpī na tlan nalīkalhīkoy talacasquín nahuakoy xtahuacat yamā quihui ḥuāntu māstay latámat, chū nactanukoy c-xamalaccha yamā tlanca xcāchiquĩn Dios. ¹⁵Huāmpī niucxnī catilactanukolh c-xamalaccha yamā cachiquĩn xlipacs ḥuānti catuhuá līmaxcajuālikoy xlatamatcán, ḥuānti xṁan huá liscujma tascuhuán, chū tī naxakatīkoy atanuj lacchaján masqui kalhīkoy xpuscatcán, xahuá maknīnanín, na chuná ḥuānti lakataquilhputakoy tū caj tatlahuamakxtu, chū xlipacs ḥuānti lakatīkoy aksanīnankoy.

¹⁶“Quit Jesús, ṁan cmalakachānīt quiáŋgel laquĩmpī nacalīmaxquiyān quintamatcāzĩn xlipacs huixín ḥuānti quilipahuānātīt c-aktujun cachiquĩn. Quit yamā xquilhtzucut xamakan rey David ḥuānti xlimínat xuanīt. Quit yamā tlanca matancústacu tū ahuatiyá pulhá tzísaj.”

¹⁷Espíritu Santo, chū lantla xliputum canajlanín ḥuānti lītaxtukoy xtachuná yamā xtasquin Cristo, acxtum huankoy: “Lacapala catat.” Xlipacs ḥuānti kaxmatmakó yuma tachihuĩn na cahuankolh: “iLacapala catat!” Xlipacs ḥuānti kalhputima, chū mīmputún, lacapala camilh līkotnán yamā chúchut ḥuāntu māstay xatalulóktat latámat, ḥuāntu caj chunatá, nī xokocán.

¹⁸Xlipacs ḥuānti kaxmatkoy, usu nalīkalhtahuakakoy xtachiḥuĩn Dios ḥuāntu tatzoktahuilanīt unú c-libro alīsok ccamācatzĩniyān:

Lapí huí tì namalìhuaquiy huantu
 nialh chuná huan, xlicana pì Dios
 na chuná namalìhuaquiy xtapatín
 xtachuná lantla lichihuínán unú
 c-likalhtahuaka. ¹⁹Chü na chuná lapí
 huí tì nalimaactiy, chü nì acchán
 nahuán huantu lichihuínán unú c-libro,
 na chuná namaklhticán xtapaxuhuán
 lantla xlakchán napaxuhuay antá
 c-xasasti xasantujlani cachiquín, chü
 lantla xualh xtahuacat quihui huantu
 mastay xatalulóktat latámat huantu

lichihuínán unú c-likalhtahuaka.
²⁰Yama huanti maluloka pì xlicana
 tū tatzoknīt unú c-libro, chuná huan:
 “iXlicana pì nì makas quilhtamacū
 nacmín!”

iChuná calalh! iQuimpuchinacan
 Jesús, xlicana clacasquín pì lacapala
 catat!

²¹Na luhua clacasquín
 pì Quimpuchinacan Jesús
 ankalhín cacalakalhamán, chü
 cacasiculanatlahuán xlipacs huixín.